


授

經

圖







授 經 圖

朱 睦 㮮 著

叢書集成初編

(補印本)

授 經 圖

一九三七年十二月初版
一九五九年十月補印

朱 陸 擥 著
商務印書館出版

上海華文印刷廠印刷

授經圖序

泮上睦樸撰

余觀崇文總目有授經圖。不著作者名氏。欽易、詩、書、禮、春秋三家之學。求其書亡矣。及閱章俊卿考索圖。六經皆備。閒有訛舛。余因考之。蓋自東漢而下。諸儒授受。尠有的派。云其經義。或私淑。或自治。或習之國。學。俱稱爲某授。某受可乎。余於是稽之本傳。參之諸說。以嘗請業及家學者。各爲之圖。以一二傳而止者。亦錄之以備咨考。舊圖俱無傳。圖後或錄經論數條。而諸儒行履弗具。使覽者不知其爲何如人也。余旣爲圖。復摭撫其要。而作傳。無關經學。無裨世教者。皆略焉。傳成。以諸儒著述及歷代經解附之。爲若干卷。藏之家塾。以俟同好。庶斯道之不墜也。

萬歷元年孟秋望日。

授經圖總目

易四卷

書四卷

詩四卷

春秋四卷

禮四卷

朱西亭宗正諱睦樛字灌甫西亭其號也周定王六世孫萬歷初舉爲周藩宗正領宗學事事迹附見明史周王橚傳著五經稽疑六卷經序錄五卷春秋諸傳辨疑四卷諡苑二卷韻譜五卷鎮平世系記一卷及明帝世表周國世系表建文遜國褒忠錄河南通志開封郡志陂上集諸書少從睢陽許先遊三月而盡其學年二十通五經起萬卷堂讀書其中嘗謂本朝經學一稟宋儒古人經解殘闕放失乃訪求海內通儒繕寫藏棄晚年遂著是編名之曰授經圖每經四卷凡二十卷按授經圖之名創始於宋人程俱至後李燾有五經傳授圖一卷亡名氏有授經圖三卷俱見宋史惜其書不傳宗正是編因章氏山堂考索中舊圖重加釐正師友淵源燦如星掌大旨慮漢學之失傳故所述列傳至漢而止國朝錢塘龔御史翔麟蘅圃病其未廣因取家藏寫本俾晉江黃徵君虞稷俞邨爲之增益易先復古書

首今文前後次序。悉經改易。凡增入古今作者二百五十五人。經解七百四十一部。六千二百一十八卷。刊之白下。較原書雖爲詳備。而實非宗正著述之本意矣。今所傳者。皆龔黃點竄之本。宗正舊帙。渺不可得。聞當日藏書甚富。倣唐人四部法。用牙籤識別。凡一萬二千五百六十卷。輯爲聚樂堂藝文志四冊。汴亡之後。盡漂蕩於洪流中。此書板片。想亦隨之而沒。良可慨也。茲帙刊於萬歷癸酉。雕鏤甚精。楮墨渝暗。定爲原刻無疑。龔衛圃謂向無刊板。不知何據。且卷末勤美跋。龔刻以美爲羹。不免歧誤。更不及原書爲善也。勤美字伯榮。宗正子。繼爲周藩宗正。著王國典禮八卷。以文學世其家。

道光己亥二月花朝日。三原李錫齡識於惜陰軒。

授經圖易卷第一義例

明 宗正朱睦㮮西亭著

禮。擬人必以其倫。漢諸帝能從師受經。至美也。美而不錄。不可與儒生儕也。不可儕。故殊之。殊之者。尊之也。

諸儒傳。有關經學則詳。否則識其出處大節而已。事實尠少。不可爲傳者。附其姓氏爵里於諸傳內以見之。

諸儒有通四經五經者。傳祇一見。餘皆繫名於各派之下。覽其圖則自知矣。

京房有二。其一頓丘人。其一不知何許人。皆以易學顯。爲太中大夫者。顏師古謂書字誤耳。不當作京房。今圖並存。以備參考。

費直自爲易以相授受。原無師傳。故別爲一圖。

高相易自言出丁將軍寬。寬爲景帝時人。相爲平帝時人。相去甚遠。或亦私淑者也。欲附丁易一派。無所安置。經籍考謂相受易王潢。潢。費派也。茲因之圖從費氏。


舊圖授受。非的派者不錄。書十七人。詩十九人。周禮二人。移置別派者。易三人。詩四人。禮一人。舊圖所遺者。余據註疏及史漢諸書補入。易二十九人。書二十八人。詩十四人。春秋三十三人。禮記一人。

周禮十一人。

諸儒經解。非有作者姓氏不錄。錄之。或因人以存其書。或因書以彰其人。周漢而下至金元。作者凡一千一百三十二人。國朝三十九人。經解凡一千七百九十八部。二萬一千七十一卷。

授經圖易卷第二圖表

商瞿 — 橋庇 — 馯臂 — 周醜 — 孫虞



費直

王璜

高相子康

費高母將永

梁丘賀臨

王

駿

五鹿充宗

鄧彭祖

士孫張

衡咸

授經圖易卷第二諸儒傳略

汴上陸樺撰

商瞿魯人字子木受易孔子以授魯人橋庇子庸子庸授江東馭臂子弓子弓授燕人周醜子家子家授東武孫虞子乘子乘授齊人田何

田何字子裝漢興以齊田徙杜陵號杜田生授易丁寬及東武王同子中雒陽周王孫齊人服生光皆著易傳數篇王同授淄川楊何何字叔元元光中徵爲太中大夫著易二篇又授齊人卽墨成成至城陽相廣川孟但爲太子門大夫魯人周霸莒人衡胡臨淄主父偃周王孫授衛人蔡公著易二篇皆以易貴顯要言易者本之田何

丁寬字子襄梁人初梁項生從田何受易時寬爲項生從者讀易精敏材過項生遂事何學成何謝寬寬東歸何謂門人曰易以東矣景帝時寬爲梁孝王將軍作易說三萬言訓故舉大誼而已寬授同郡碭曰田王孫王孫授施讐孟喜梁丘賀繇是易有施孟梁丘之學

主父偃齊國臨淄人受易於王同游齊諸子閒諸儒生相與排擯不容於齊家貧偃貸無所得北游燕趙中山皆莫能厚客甚困以諸侯莫足游者元光元年迺西入關見衛將軍青青數言於上上不省資用乏留久諸侯賓客多厭之迺上書闕下朝奏暮召入見所言九事其八事爲律令一事諫伐匈奴是時徐樂

嚴安亦俱上書言世務。上謂三人曰：公皆安在？何相見之晚也？迺拜偃等皆爲郎中。偃數上疏言事，遷謁者。中郎、中大夫、歲中四遷。元朔中，拜偃爲齊相，無何，齊王懼偃發陰事，自殺。上怒，迺徵下吏治，遂族偃。偃方貴幸時，客以千數，及族死，無一人視。獨孔車收葬，上聞之，以車爲長者。

施讐字長卿，沛人。沛與碭相近，讐爲童子，從田王孫受易，與孟喜、梁丘賀、竝爲門人，謙讓，常稱學廢不教授。及梁丘賀爲少府，事多迺遣子臨分將門人從讐問。讐自匿不肯見，賀固請，不得已，乃授臨等。於是薦讐結髮事師數十年，賀不能及，詔拜讐爲博士，甘露中，與五經諸儒雜論，同異於石渠閣。讐授張禹、琅邪魯伯、伯爲會稽太守，禹爲丞相，禹授淮陽彭宣，沛戴崇子平，崇爲九卿，宣大司空，魯伯授太山毛莫如少路、琅邪邴丹、曼容，莫如至常山太守。繇是施氏有張彭之學。

孟喜字長卿，東海蘭陵人，父號孟卿，善爲禮、春秋，授后蒼、疏廣，世所傳后氏禮、疏氏春秋，皆出孟卿。孟卿以禮經多，春秋繁雜，乃使喜從田王孫受易，喜好自稱譽，得易家候陰陽災變書，舉孝廉爲郎，曲臺署長。以病免，後爲丞相掾，博士缺，衆人薦喜，上聞喜改師法，遂不用喜。喜授同郡白光少子，沛人翟牧子兄。曰：皆爲博士。繇是孟氏有翟白之學。

梁丘賀字長翁，琅邪諸人。初從太中大夫京房受易，房淄川楊何弟子也，非爲課吏法者。及房出爲齊郡太守，賀更事田王孫。宣帝時，聞京房爲易明，求其門人，得賀。賀時爲都司空，坐事免，因召賀入說經。上善之，以賀爲郎。會八月，飲酎，行祠孝昭廟，先殿旄頭劍挺墮，墜首垂泥中，刃鄉乘輿，車馬驚，於是召賀筮。

之有兵謀不吉。帝還，使有司侍祠。是時霍氏外孫代郡太守任宣坐謀反誅。宣子章爲公車丞，亡在渭城界中，夜玄服入廟，居郎間，執戟立廟門。待帝至，欲爲逆，發覺伏誅。賀以筮有應，繇是近幸。爲太中大夫，給事中，至少府，子臨。

臨傳父業，亦入說經，爲黃門郎。甘露中，奉使問諸儒於石渠，臨學精熟，專行京房法。琅邪王吉聞臨說，善之時，宣帝選高材郎十人從臨講，吉乃使其子郎中駿上疏從臨受易。臨授五鹿充宗、君孟、充宗爲少府。駿爲御史大夫，充宗授平陵士孫張、仲方、沛人鄧彭祖、子夏、齊人衡咸、長賓、張爲博士。至揚州牧、光祿大夫，給事中，家世傳業。彭祖真定太傅，咸講學大夫。繇是梁丘有孫、鄧衡之學。

張禹，字子文，河內枳人，爲兒時數隨家至市，喜觀於卜相者前。久之，頗曉其別，著布卦之意。時從旁言卜者愛之，謂禹父是兒多知，可令學經。及禹壯，從沛郡施讐受易，旣明習，舉爲郡文學。甘露中，諸儒薦禹，詔太子太傅蕭望之問禹對易望之善焉。奏禹經學精習有師法，試爲博士。初元中，詔令授皇太子，遷光祿大夫。數歲出爲東平內史，成帝卽位，徵禹以師，賜爵關內侯，食邑六百戶，秩中二千石，給事中，領尙書事。是時帝舅平陽侯王鳳爲大將軍，輔政專權，而上富於春秋，方嚮經學，敬重師傅，而禹與鳳竝領尙書事，內不自安，數病，上書乞退。上報曰：朕以幼年執政，萬機懼失其中，君以道德爲師，故委國政。君何疑而數乞骸骨？忽忘雅素，欲避流言，君其固心致思，總秉諸事，推以孳孳，無違朕意。加賜黃金百斤，養牛，上尊酒。太官致餐，侍醫視疾。使者臨問，禹惶恐，復起視事。河平四年，代王商爲丞相，封安昌侯，爲相六歲，以老病

乞休。上加優再三。乃聽許。賜安車駟馬。罷就第。建平二年薨。諡曰節侯。

蓋寬饒。字次公。魏郡人。從孟喜受易。爲郡文學。以孝廉爲郎。累擢司隸校書。舉刺無所回避。京師爲清。寬饒剛直高節。志在奉公。家貧。奉錢月數千。半以給吏民爲耳目言事者。子常步行自戍北邊。公廉如此。以上封事。坐怨謗下吏。寬饒自剄。

焦贛。字延壽。梁人。以好學得幸梁王。王共其資用。令極意學。贛初從孟喜。繼又得隱者之傳。學旣成。爲郡史。察舉補小黃令。以候司先知姦邪。盜賊不得發。愛養吏民。化行縣中。舉最當遷。三老官屬尙書。願留贛。有詔許增秩留。卒於小黃。贛常曰。得我道以亡身者。必京生也。其說長於災變。分六十四卦。以兌震坎離。應二至二分。其餘卦以中孚起。每一卦六日七分。更直用事。以風雨寒溫爲候。各有占驗。所著有易林十卷。趙賓。蜀人。好小數書。持論巧慧。易家不能難。云受孟喜。喜爲名之後。賓死。莫能持其說。

京房。字君明。東明頓丘人。受易梁人焦延壽。延壽云。嘗從孟喜問易。會喜死。房以爲延壽易卽孟氏學。至成帝時。劉向校書。考易說。以爲諸易家說皆祖田何。楊叔元。丁將軍。大誼略同。惟京氏爲異。京氏以明災異得幸。爲石顯所譖。誅。房授東海殷嘉。河東姚平。河南乘弘。及任良。皆爲郎。博士。繇是易有京氏之學。

彭宣。字子佩。淮陽陽夏人。治易。事張禹。舉爲博士。遷東平太傅。禹以帝師見尊信。薦宣經明有威重。可任政事。繇是入爲右扶風。歷遷大司空。封長平侯。及王莽秉政。宣上書乞骸骨。莽恨宣求退。遂白太后策免。不賜黃金。安車。駟馬。宣居國數年。薨。諡頃侯。

劉昆字桓公。陳留東昏人。梁孝王之胤也。平帝時。受施氏易於沛人戴賓。王莽世。教授弟子。恒五百餘人。莽以昆多聚徒衆。繫昆及家屬於外黃獄。莽敗得免。建武五年。舉孝廉。不行。遂逃。教授江陵。光武聞之。卽除爲江陵令。遷弘農太守。有異政。帝聞而徵之。代杜林爲光祿勳令。入授皇太子及諸小侯五十餘人。二十七年。拜騎都尉。以老乞骸骨。詔賜洛陽第舍。以千石祿終其身。中元二年。卒。子軼。字君文。傳昆業。門徒亦盛。永平中。爲太子中庶子。建武中。稍遷宗正。卒官。遂世掌宗正焉。

姚平。河東人。京房弟子。房欲建考功課吏法。薦平爲刺史。時石顯疾房。言之元帝。遂出房爲魏郡太守。至新豐。因郵上書曰。臣弟子姚平謂房曰。房可謂知道。未可謂信道也。房言災異。未嘗不中。今涌水已出道。人當逐死。尙復何言。臣謂陛下至仁。於臣尤厚。雖言而死。臣猶言也。平又曰。房可謂小忠。未可謂大忠也。昔秦時。趙高用事。有正先者。非刺高而死。高威自此成。今臣出守。自詭効功。惟陛下毋使臣塞涌水之異。當正先之死。爲姚平所笑。房去月餘。竟徵下獄。

費直。字長翁。東萊人。治易爲郎。至單父令。長於卦筮。亡章句。徒以象象繫辭。文言爲十篇。解說上下經。琅邪王璜。平中一曰仲能傳之。

高相。沛人。治易。與費高同時。其學亦亡章句。專說陰陽災異。受之王璜。傳子康。及蘭陵毋將永康。以明易爲郎。永至豫章都尉。繇是易有高氏之學。



授經圖易卷第四諸儒著述附歷代二易傳注

連山十卷夏后氏易司馬膺注

周易二卷卜商傳

歸藏備遺三卷朱元升

右古易

一字石經周易一卷

秦本石經周易九卷

右石經

周易章句十卷孟喜

周易章句二篇梁丘賀

周易章句十卷京房

周易章句五卷劉表

歸藏三卷商易薛貞注

連山備遺四卷朱元升

周易備遺三卷朱元升

今字石經周易三卷

蜀本石經周易十一卷

周易章句二篇施讐

周易章句四卷費直

周易章句十卷馬融

周易章句十卷荀爽

周易章句一卷 呂大臨

右章句

易傳二篇 王同

易傳二篇 周孫王

易傳二篇 韓嬰

易傳二篇 楊何

易傳十二卷 施孟梁丘三家

易傳一卷 闕明

周易外傳二十二卷 高定

易傳九卷 蘇軾

易傳二十二卷 李綱

周易重注十卷 鮑極

易傳十卷 倪天

易傳十卷 張原

周易章句十卷 程迥

易傳二篇 服光

易傳八篇 丁寬

易傳二篇 蔡公

易傳三卷 京房

易傳一卷 干寶

易傳十卷 陸希聲

易傳十二卷 僧一行

易傳十卷 程頤

易傳十卷 朱熹

易傳十卷 王合

易傳十卷 譚世勣

易傳三十二卷 王宗傳

易傳十一卷 朱震

易傳十一卷 毛璞

易傳十一卷 郭雍

周易本傳三十三卷 李舜臣

易傳十三卷 鄭夬

周易言象外傳十卷 王洙

易詁訓傳十八卷 晁武公

易傳十卷 張浚

右傳

周易注十卷 鄭玄

周易注五卷 劉表

周易注十卷 董遇

周易注十卷 荀輝

周易注九卷 虞翻

易傳十一卷 李光

易傳十二卷 陳禾

易傳十一卷 丁東易

周易翼傳二卷 鄭汝諧

易小傳六卷 沈該

周易外傳一卷 胡宏

周易傳二十卷 楊萬里

周易注十卷 宋衷

周易注十卷 王肅

周易注九卷 王弼

周易注十卷 姚信

周易注十三卷 陸績

周易注十卷

千寶

周易注六卷

尹瀾

周易注十卷

黃穎

周易注十卷

王虞

周易注十卷

崔顥

周易注七卷

姚規

周易注八卷

伏曼容

周易注十卷

王立度

易傳注二卷

張清子

周易注十卷

劉彝

易補注三卷

皇甫泌

周易注十卷

張珍

周易注十卷

宋咸

易解二卷

陳普

周易注十卷

蜀才

周易注十卷

盧景裕

周易注十卷

何膺

周易注十三卷

崔觀

周易注十卷

王凱

易傳注十二卷

李吉甫

周易注十卷

任希古

周易注十卷

王又玄

符祥注十卷

龍昌期

周易注六卷

劉牧

易解一卷

郭丙

易解六卷

徐古為

易補注六卷

龔鼎臣

周易衍注四卷

王哲

易解二卷 郭忠孝

易解六卷 劉翔

易解八卷 李椿年

易解六卷 徐直方

易解十卷 張弼

易解五卷 邵古

易解十四卷 王安石

易解十卷 劉禹偁

周易經傳訓解二篇 蔡淵

繫辭注二卷 桓玄

繫辭注二卷 韓康伯

繫辭注二卷 宋襄

繫辭注二卷 荀諲

繫辭解十卷 劉槃

易解三十卷 李開

易解十二卷 關廷瑞

易解六卷 鄒巽

易解十卷 程遠

易解十卷 齊龍

易解二卷 何夢桂

易解一卷 呂大臨

周易釋傳二十卷 錢時

繫辭注二卷 謝萬

繫辭注二卷 卜伯玉

繫辭注二卷 荀柔

繫辭注二卷 謝平

繫辭說二卷 司馬光

繫辭注二卷 王柏

右注

周易集解十卷

馬鄭孔 王四家

周易集解十卷

王弼 伯二家 韓康

周易集注一百卷

朱昇

周易會釋記二十卷

陸希 覺

易五十家解四十二卷

楊文 煥

周易集注六卷

劉牧 鄭 夫二家

周易詳解四十卷

吳 馮

周易詳解三十卷

李杞

易義海一百卷

房審 樞

四李易全解十卷

李彥章 李端行 李舜由 李士表

玩易彙編十二卷

王懋

大易集傳粹義六十四卷

陳山 陳隆

周易集注十卷

荀爽 九家

周易集解十卷

張璠

周易集注十七卷

李鼎 祚

周易集注一百卷

元戴

周易集解三十六卷

林栗

周易集注十卷

張清 子

周易集鄭康成注一卷

王應 麟

周易集解十卷

呂大 圭

易義海撮要十二卷

李衡

周易傳義附錄一卷

董楷

大易粹言十卷

曾種

周易集義七十四卷

魏了 翁

三家易解三十卷 李宏
周易集解六卷 凌唐佐
周易纂注十四卷 董真卿
周易本義集成二卷 熊良輔

右集注

周易異義一卷 許慎
周易文言注義一卷 王弼
周易難王輔嗣一卷 顧夷
周易講疏二十卷 張該
周易大義二十一卷 梁武帝
繫辭義疏一卷 梁武帝
周易義一卷 范歆
繫辭義疏二卷 蕭子政
周易講疏三十卷 張譏

周易輯聞六卷 趙汝楙
周易集說十卷 俞瑛
周易纂言八卷 吳澄

周易繫辭義二卷 劉向
爻義一卷 干寶
周易義疏二十卷 宋明帝集
周易大義疑問二十卷 梁武帝
周易講疏三十五卷 梁武帝
周易義疏十四卷 蕭子政
周易幾義一卷 蕭偉
周易發義一卷 蕭偉
周易講疏十六卷 褚仲都

周易義疏十六卷 周弘正

周易要義十卷 長孫無忌

周易開題義十卷 梁蕃

周易義六卷 魏微

周易大義二卷 陸德明

周易講疏十三卷 何妥

易義五卷 盧行超

周易正義十四卷 孔穎達

周易口訣義六卷 史證

易決一卷 僧一行

繫辭義疏二卷 劉瓛

周易正義十六卷 任希古

易訓三十卷 倪思

易義一卷 黃通

周易會通正義三十二卷 縱康父

易釋序義三卷 梁蕃

周易文句義疏二十卷 梁蕃

周易新注本義十四卷 薛仁貴

周易文句義疏二十四卷 陸德明

周易新傳疏十卷 陰弘道

易正義補闕七卷 邢鑄

周易王道小疏十卷 張弧

周易廣疏三十六卷 句徽

乾坤義疏一卷 劉瓛

周易義三十卷 全緩

周易發義一卷 劉不疑

易義十卷 黃暉

易義二卷 李賁

易義一卷 周孟陽

易筮精義二卷 孫坦

周易證義疏二十卷 范壽昌

周易旨要二十卷 代淵

周易集義十二卷 宋諸儒

周易總義二卷 戴端明

易學五十卷 馮椅

周易本義八卷 張清子

周易口義二十卷 胡媛

易釋象一卷 曾幾

周易講義九卷 夏休

周易講義六卷 商飛卿

繫辭精義二卷 呂祖謙

周易總義一卷 易帶

周易義略九卷 張簡

周易本義通釋十卷 胡炳文

易義十卷 彭汝礪

易義五卷 趙仲銳

河圖易象本義一卷 陳訥

周易義略十卷 冀辰

易義十二卷 謝湜

周易解義四十卷 胡有明

周易講義三卷 湯羲

周易解義十卷 耿南仲

周易講義三卷 湯漢

周易口義十卷 石介

易續解義十七卷 龔原

周易證義十卷 王大寶

大衍義一卷李覺

周易經解通義三十卷李授

繫辭義纂二卷鄒浩

易義八卷皇甫泌

周易解義十二卷安詠

周易衍義八卷胡震

朱氏大義發揮七卷何基

周易參義十卷梁寅

右義疏

說略三篇五鹿充宗

易辨一卷王弼

周易盡神論四卷鍾會

通易論一卷宋岱

周易象論三卷樂騭

易象通義二卷馮去非

易解義九卷張根

周易圖義二卷葉昌齡

周易要義十卷魏了翁

周易衍義二十卷許復

大象衍義一卷王柏

周易甘棠正義三十卷任貞一

周易辯錄四卷楊爵

道訓二篇淮南九師

周易無互體論三卷鍾會

周易宗塗四卷干寶

周易論二卷阮暉

周易卦序論一卷楊父

周易統略論三卷 郭湛

周易髓十卷 郭璞

周易疑通五卷 何誼

周易開題序論十卷 梁武帝

周易口訣六卷 魏徵

周易物象釋疑一卷 東鄉助

易詮七卷 李翱

二阮難答論二卷 阮長成 阮仲容

釋變一卷 陸希聲

周易要削三卷 王隱

易書一百五十卷 裴通

易卦正名論一卷 劉不疑

周易開玄關一卷 蘇鷓

周易通神二卷 孫坦

易通論一卷 阮籍

周易論十卷 周顒

周易問答一卷 徐伯珍

大衍論三卷 唐明皇

周易發揮五卷 王勃

周易玄談六卷 孔穎達

易象論一卷 宣聘

周易微旨一卷 陸希聲

易忘象三卷 崔良佐

周易玄解三卷 裴通

易通論一卷 宋處宗

周易異義論十卷 劉遵

周易精微三卷 周鎮

周易析蘊一卷 孫坦

周易啟源十卷成蔡廣

明易論一卷甫應吉

周易明文十卷永郭思

周易口訣七卷易陸太

周易聖斷七卷仇鮮于

周易折中三十三卷采趙

周易玄統一卷子白雲

易論十卷阜陳

辨劉牧易一卷亮陳希

易訣一卷山許季

周易口訣六卷錄王

學易記三卷方周

周易絕筆書四卷期龍昌

王劉易辨二卷成宋

周易外義三卷成蔡廣

周易卦斷一卷鑄丘

周易析微通說三十卷楚泰

周易發題一卷元張

周易啟玄一卷元張

易筮一卷逸阮

易論三十三卷素王昭

周易通考圖說二篇非馮去

周易制器尙象論一卷亮陳希

易象意言一卷淵蔡

中天述考一卷淵鄭

中天述衍一卷淵鄭

周易圖說六卷錄郭

易訓三卷成宋

易裨傳二卷 至林

周易意蘊一卷 庸徐

周易意學十卷 陸乘

易經遺說三十卷 朱熹

周易發隱二十卷 陳良 獸

大衍索隱三卷 丁易 東

易說三卷 鄭東 卿

易心三卷 王愷

易童子問三卷 歐陽 修

易說十卷 張載

易說一卷 司馬 光

學易編十五卷 李心 傳

學易蹊徑二十卷 田疇

周易約說一卷 趙善 湘

觀變外篇一卷 至林

卦德統論一卷 劉牧

易通四十卷 周惇 頤

易學啟蒙三卷 朱熹

河圖解二卷 康平

周易圖說三卷 吳仁 傑

周易約解九卷 鄭東 卿

易童子問一卷 陳宏

周易演聖通論十六卷 胡 旦

周易外傳一卷 方逢 辰

周易辨惑一卷 邵伯 溫

易說一卷 李 沐

周易約解九卷 潘夢 旅

易說三卷 趙汝 談

周易通神論一卷 吳祕

易說十卷 喬執中

刪定易圖序論六卷 李遇

讀易記八卷 方實孫

周易本說十卷 齊履謙

大傳雜說一卷 李震

易述古言二卷 林起鼇

學易記九卷 李簡

易學索隱一卷 袁樞

探易說一卷 丘富

易說一卷 游酢

易叢說三卷 朱震

四學淵源論一卷 郭忠孝

易原三卷 楊中

易發微十卷 趙令潛

周易說九卷 李贊

易論十三篇 李觀

義易正元一卷 劉牛干

易學五卷 李燾

易撫卦總論一卷 朱承祖

大易觀象三十二卷 鄭子厚

讀易記十卷 王柏

易說一卷 徐幾

周易約一卷 黎立武

易說一卷 楊時

易說一卷 陳瓘

室中記師隱訣一卷 黃黎獻

易原一卷 常豫

易索十三卷 張汝明

序論七篇 張根

易二五君臣論一卷 閻丘

觀畫所見二卷 李椿

周易通變四十卷 張行成

河圖洛書解一卷 沈濟

易說二卷 趙善譽

學易管見七卷 呂奎

周易玩辭十六卷 項安世

讀易筆記十卷 王炎

述釋葉氏易一卷 袁聘儒

太極傳五卷 晁補之

周易總說二卷 戴溪

易或問類例圖象四卷 趙以夫

周易綱旨二十篇 王哲

易變體十六卷 都潔

易說十一卷 張栻

易疑問一卷 李椿年

周易述衍十八卷 張行成

易說十二卷 李過

易論三卷 馮時行

讀易管見一卷 孫嶸

周易精微三卷 皇甫泌

解卦周易傳三卷 劉列

因說外傳名一卷 晁補之

已易一卷 楊簡

易通六卷 趙以夫

易說九卷 林德祖

周易窺餘十五卷 鄭剛中

易璇璣三卷 吳沆

易變卦八卷 林儵

易說十卷 李光

周易宏綱八卷 劉文郁

易說拾遺二卷 尹天民

義文易論微六卷 樂人只道

淵源錄三卷 何萬

廣川易學三十四卷 董道

易傳拾遺十卷 胡銓

易外編一卷 程迥

易說一卷 吳如愚

周易啟蒙小傳一卷 稅汝權

太易鉤玄三卷 鮑恂

周易發題一卷 任奉古

易說十二卷 林儵

變卦纂集一卷 林儵

易餘意一卷 李宏

易論要纂一卷 尹天民

讀易舉要四卷 易祇

易辨三卷 何萬

易學一卷 王湜

正易心法一卷 麻衣道者

易原十卷 程大昌

復卦說一卷 真德秀

周易啟蒙通釋一卷 胡方平

河圖傳一卷 李平西

讀易舉要四卷 俞燠

易外別傳一卷 俞琰

周易原旨六卷 保八

易大象解二卷 崔銑

易學四問十二卷 季本

右論說

周易略例一卷 王弼

周易日月變例六卷 虞翻

略例注十卷 韓康伯

略例注一卷 邢璣

略例疏一卷 莊道明

略例一卷 桂詢

右類例

略譜一卷 袁宏

玄星紀譜一卷 晁說之

周易啓蒙翼傳四卷 胡桂一

易經蒙引八卷 蔡清

周易說翼三卷 呂耕

易談四卷 孫應龍

卦略一卷 王弼

周易統例十卷 崔觀

周易四德例一卷 劉燾

卦略注一卷 邢璣

易指略例一卷 孫達古

略例義一卷 黃黎獻

周易譜一卷 沈熊

右譜

周易舉正三卷

京郭

周易證墜簡一卷

范詩昌

古易考一卷

程迥

右考正

周易卦象數旨一卷

李顯

觀物內篇解二卷

邵溫伯

觀物外篇衍義二卷

張行成

易軌一卷

蒲乾貫

右數

易圖一卷

陸希聲

周易普玄圖八卷

薛景和

周易罔象成名圖一卷

張杲

周易圖三卷

張理

周易撰證一卷

陸希聲

易古經考異釋疑一卷

洪祖興

易正誤一卷

毛居正

皇極經世二十卷

邵雍

皇極經世索隱二卷

張行成

易數一卷

陳高

大衍玄圖一卷

僧一行

龍圖一卷

陳搏

易象數鉤深圖三卷

張理

鉤隱圖三卷

劉牧

續鈎隱圖一卷 黃黎獻

太易源流圖一卷 范壽昌

周易乾生歸一圖十卷 彭汝礪

易圖一卷 田疇

右圖

周易音一卷 李軌

周易釋音一卷 陸德明

古易音訓二卷 呂祖謙

右音

乾坤鑿度二卷 伏羲文黃帝演蒼頡修

易緯稽覽圖七卷 鄭玄

易緯九卷 宋均

右緯

災異占六十六篇 孟喜

周易先天流演圖十二卷 孫份

伏羲俯仰畫卦圖一卷 彭汝礪

易卦圖三卷 朱震

八卦小成圖二卷 陳高

右圖

周易並注音七卷 陸德明

古易音訓二卷 朱熹

雜音三卷 沈熊

乾坤鑿度二卷 鄭玄

易抄一卷 京房

易林十六卷 焦贛

周易四時占候二卷 京房

周易錯八卷 京房

周易林四卷 管輅

易通卦驗一卷 鄭玄

周易林十六卷 崔篆

周易筮占二十四卷 徐苗

周易雜占筮訣二卷 梁運

周易集林十二卷 伏曼容

著卦考誤一卷 朱熹

周易筮宗一卷 趙汝楨

先天易鈴太極寶局二卷 牛師德

周易筮傳一卷 湯建

右占筮

略說十二篇 京氏殷嘉

周易逆刺占災異十二卷 費直

易旗七十一卷 任良

周易集林律歷一卷 虞翻

周易質疑卜傳三十卷 楚泰

周易林七卷 張滿

周易雜占七卷 許峻

周易雜占八卷 尙廣

撰易古法一卷 鄭克

撰易法一卷 青城山人

周易古占法並圖一卷 程迥

太玄經九卷 揚雄

太玄經注十卷 宋衷

太玄經注十二卷 陸績

太玄音訓一卷 馮元

太玄經注十卷 蔡文

太玄經發隱三卷 章

太玄經十二卷 范望

太玄正義一卷 孫胄

太玄經注十卷 宋維翰

太玄經釋文一卷 林禹

太玄經疏十八卷 郭元亨

通玄十卷 王長文

說玄一卷 王涯

玄包十卷 衛元嵩

洞林三卷 郭璞

太易十五卷 張志和

太玄經注十四卷 虞翻

太玄圖一卷 林共

太玄補正十卷 范諤昌

太玄經講疏四十六卷 章

太玄經注六卷 王涯

太玄經傳三卷 杜元穎

太玄經注十卷 林禹

太玄經注十卷 司馬光

太玄經手音一卷 程賁

演玄十卷 陳漸

翼玄十二卷 張行成

玄包數義二卷 張行成

洞極真經一卷 關朗

潛虛一卷 司馬光

授經圖易 卷第四

潛虛衍義十卷

張行成

右擬易

授經圖書卷第一義例

孔延年及子霸。漢書雖未載受書安國。孔僖本傳稱安國以下世受古文尙書。以此延年輩俱附安國之派。

舊圖不分古文今文。按漢書及雜志所載古文首孔安國。今文首伏生。以見二派各有傳也。舊圖有歐陽世。按本傳兒寬傳。歐陽生子世世相傳。至曾孫高始爲博士。世非名也。故不載。杜林蓋豫習古文。俱無師傅。自相授受。今各立一傳。以明非安國之派也。

舊圖牟長授書張堪。及考堪傳。止言受學長安。無請業牟長事。張奐傳註。又稱牟卿受書周堪。以此知舊圖多誤。今從傳註改正。

舊圖楊仲績受龔勝尙書。傳春卿。卿傳統。統傳厚。按漢書楊厚祖父三世善圖讖學。統又從鄭山伯受河洛書。並天文推步之術。無仲績傳經事。而益都耆舊傳略著仲績傳夏侯書。又不詳言從大小夏侯。疑皆私淑。非的派。故不載。

授經圖書卷第二圖表

杜林——衛宏

徐巡

兒寬——簡卿


孔安國


都尉朝——庸譚——胡常——徐敖——塗暉——賈徽——達

司馬遷

延年——霸——光——信——季彥

蓋豫——周防——舉







授經圖書卷第二諸儒傳略

孔安國字子國。孔子十一世孫。武帝時。魯共王欲壞孔子舊宅。於壁中得古文虞夏商周之書。乃不壞宅。悉以其書還孔氏。書皆科斗文字。時人無知者。安國以今文字讀之。因以起其家。爲諫議大夫。承詔作書傳。傳成。遭巫蠱事。遂不立學官。安國出爲臨淮太守。安國授都尉朝。司馬遷。朝授膠東庸譚。譚授清河胡常。少子常授馮敖。敖爲右扶風掾。授平陵塗暉。子真。子真授賈徽。及河南桑欽。徽授子達。自有傳。

兒寬。千乘人。受業孔安國。貧無資用。常爲弟子都養。及時時閒行傭賃。以給衣食。行常帶經。止息則誦習之。以試次第補廷尉史。寬爲人溫良廉智。而善著書。書奏敏於文。口不能道也。張湯以爲長者。薦之天子。天子見問說之。後位至御史大夫。寬授東平簡卿。卿亦以儒術顯。

司馬遷字子長。龍門人。年十歲則誦古文。二十而南游江淮。上會稽。探禹穴。窺九疑。浮沅湘。北涉汶泗。講業齊魯之都。觀夫子遺風。鄉射鄒嶧。阨困蕃薛。彭城過梁楚。以歸。於是遷仕爲郎中。奉使西征巴蜀。以南略叩笮昆明。還報命。後三歲而遷爲太史令。紉石室金縢之書。述陶唐以來至漢武止。作史記。凡百三十篇。六千五百字。拾遺補藝。成一家言。嘗從孔安國問尙書。故史記載堯典。禹貢。洪範。金縢。諸篇。多古文辭。孔延年。安國兄武之子。治尙書。爲武帝博士。子霸。字次孺。亦治尙書。宣帝時。爲太中大夫。以選授皇太子。經。遷詹事。高密相。元帝卽位。徵霸。以師賜爵關內侯。食邑八百戶。號褒成君。給事中。加賜黃金二百斤。第

一區徙名數於長安。霸爲人謙退，不好權勢。帝數欲致相位，霸力辭，以是尤重，賞賜特厚。卒贈烈侯，諡曰烈君。子光。

光字子夏，經學尤明，舉爲議郎。成帝時，爲博士，歷轉僕射、尚書令。周密謹慎，凡典樞密十餘年，有所薦舉，惟恐人知。哀帝初，受丞相博山侯印綬，以忤傅太后策免。及后崩，復徵光詣公車，問日食事。書奏，帝悅。拜光祿大夫，秩中二千石，給事中，尋爲丞相。復故國博山侯。年七十薨，諡簡烈侯。子僖。

僖字仲和，自安國以下，世傳古文尚書。僖游太學，與孫駟友，嘗上書辯譏刺肅宗，始亦無罪。僖等意及書奏，立詔勿問。拜僖蘭臺令史。元和二年春，帝東巡，特過魯，幸闕里。僖因召對，帝悅，遂拜郎中，賜襲成侯。僖從還京師，使校書東觀。是年冬，拜臨晉令。崔駰以家林筮之，謂爲不吉，止僖曰：子盍辭乎？僖曰：仕不擇官，吉凶由己，而由卜乎？在縣三年，卒官。子季彥。

季彥守其家學，門徒數百人。延光元年，河西雨雹，大者如斗。安帝詔有道之士，極陳變眚，乃召季彥。見於德陽殿，帝親問其故，對曰：此皆陰乘陽位，當今貴臣擅權，母后黨盛，陛下宜修聖德。慮此二者，左右皆惡之。帝默然。後舉孝廉，不就。年四十七，終於家。

桑欽字君長，河南人，受古文尚書於塗暉。成帝時，又作水經三卷，所引天下之水百三十有七，其源委吐納枝煩條貫，蓋皆本於禹貢云。

杜林字伯山，扶風茂陵人，少好學。沈深博洽，光武徵拜侍御史。時東海衛宏、濟南徐巡，皆受林學。林初於

西州得漆書古文尙書一卷。常寶愛之。雖遭艱困。握持不離身。出以示宏等。曰：林流離兵亂。常恐斯經將絕。曷意東海衛子濟南徐生。復能傳之。是道竟不墜於地也。古文雖不合時務。然願諸生無悔所學。宏、巡益重之。於是古文遂行。宏字敬仲。光武以爲議郎。作尙書訓旨。

周防字偉公。汝南汝陽人。師事徐州蓋豫。受古文尙書。舉孝廉。拜郎中。撰尙書雜記二十二篇。四十萬言。仕至陳留太守。子舉。

舉字宣光。博學洽聞。爲儒者所宗。故京師爲之語曰：五經從橫。周宣光。延熹閒。舉茂才。爲平丘令。轉冀州刺史。陽嘉二年。徵拜尙書。數有論諫。左右憚之。以事免。大將軍表爲從事中郎。時連有災異。召問。舉對曰：書稱僭恆。陽若。夫僭差無度。則言不從。而下不正。陽無以制。則上擾下竭。宜密嚴勅州郡。以察姦宄。其後江淮滑賊。處處並起。如舉所陳。及梁太后臨朝。以殤帝幼崩。宜在順帝之下。詔下公卿。舉議曰：春秋魯閔公無子。庶兄僖公代立。其子文公。遂躋僖於閔上。傳曰：逆祀也。今殤帝在先。順帝在後。先後之義。昭穆之序。不可亂也。詔從之。舉累遷光祿勳。

伏生名勝。字子賤。濟南人。故爲秦博士。孝文時。欲求能治尙書者。天下亡有。乃聞伏生能治。欲召之。時伏生年九十餘。老不能行。於是乃詔太常。使掌故晁錯往受之。當秦時禁書。伏生壁藏之。其後兵大起。流亡漢定。伏生求其書。亡數十篇。獨得二十九篇。卽以教於齊魯之間。繇是學者頗能言尙書。山東大儒。無不涉尙書以教矣。伏生授濟南張生。及歐陽生。張生爲博士。而伏生孫以尙書徵。弗能明也。自此魯之周翁。

雒陽賈嘉皆能言尙書云。

張生魯人授夏侯都尉都尉授族子始昌始昌授族子勝爲大夏侯氏學勝傳從兄子建建又事歐陽高仕至太子太傅爲小夏侯氏學三家皆立博士。

晁錯潁川人以文學爲太常掌故文帝卽位初遣晁錯受尙書伏生所還因上書稱說帝悅詔錯爲太子舍人門大夫尋遷博士景帝時言事輒聽累遷至御史大夫。

歐陽生字和伯千乘人以尙書授兒寬寬有俊才初見武帝語經學上曰吾始以尙書爲樸學弗好及聞寬說可觀乃從寬問一篇歐陽大小夏侯氏學皆出於寬寬授歐陽生子世世相傳至曾孫高子陽爲博士高孫地餘長賓以太子中庶子授太子後爲博士論石渠元帝卽位地餘侍中貴幸至少府戒其子曰我死後官屬卽送汝財物慎毋受汝九卿儒者子孫以廉潔可以自成及地餘死少府曹屬共送數百萬其子不受天子聞而嘉之賜錢百萬地餘少子政爲講學大夫繇是尙書世有歐陽氏學。

何比干字少卿汝陰人學尙書於晁錯武帝時爲廷尉正與張湯同時湯持法深而比干務仁恕數與湯爭雖不能盡得然所濟活者以千數後遷丹陽都尉本始元年自汝陰徙居平陵代爲名族。

宋登字叔陽京兆長安人少傳歐陽尙書教授數千人爲汝陰令入爲尙書僕射順帝以登明識禮樂使持節臨太學奏定典律轉拜侍中數上封事抑退權倖繇是出爲潁川太守市無二價道不拾遺以病免夏侯始昌魯人以尙書教授自董仲舒韓嬰死後武帝得始昌甚重之始昌明於陰陽先言柏梁臺災日。

至期果災。時昌邑王以少子愛之。帝選爲師者。始昌爲昌邑太傅。以壽終。族子勝。勝字長公。少孤好學。從始昌受尙書及洪範五行傳。徵爲博士。會昭帝崩。昌邑王嗣立。數出。勝當乘輿前。諫曰。天久陰而不雨。臣下有謀上者。陛下出欲何之。是時霍光與張安世謀欲廢昌邑。迺召問勝。勝對言。在洪範傳曰。皇之不極。厥罰常陰。時則下有伐上者。光安世大驚。以此益重經術之士。及宣帝立。勝遷長信少府。賜爵關內侯。坐事下獄。語在黃霸傳。後赦出。勝爲諫大夫。給事中。朝廷每有大議。帝知勝素直。謂曰。先生通正言。無懲前事。勝復爲長信少府。遷太子太傅。年九十終。

周堪字少卿。齊人。事夏侯勝。爲譯官令。論於石渠。經學最高。後爲太子少傅。光祿大夫。爲石顯所譖。免官。堪授車卿。及長安許商。長伯。牟卿爲博士。商善爲算。著五行論。歷至九卿。號其門人沛唐。林子高。爲德行。平陵吳章。偉君。爲言語。重泉王吉。少音。爲政事。齊炔欽。幼卿。爲文學。

黃霸字次公。淮陽陽夏人。霸少學律令。喜爲吏。累遷爲河南太守丞。宣帝卽位。聞霸持法平。召以爲廷尉正。數決疑獄。守丞相長史。坐夏侯勝非議。詔書。霸不舉劾。下獄。霸因從勝受尙書獄中。積三歲乃出。擢霸爲揚州刺史。遷潁川太守。治行爲天下第一。徵守京兆尹。代丙吉爲丞相。封建武侯。

張山拊字長賓。平陵人。事小夏侯建。受尙書。爲博士。至少府。授同縣。李尋子長。鄭寬中少君。山陽張無故。子孺。信都秦恭。延君。陳留假倉子驕。無故善修章句。爲廣陵太傅。守小夏侯說文。恭增師法。至百萬言。爲陽城內史。倉以謁者論石渠。至膠東相。尋善說災異。爲騎都尉。寬中有雋才。以博士授太子。成帝卽位。賜

爵關內侯。食邑八百戶。遷光祿大夫。領尙書事。繇是小夏侯有鄭、張、秦、假、李氏之學。寬中授東郡趙玄。無故授沛縣唐尊。恭授魯馮賓。賓爲博士。尊至太傅。玄御史大夫。

歐陽歙。字正思。樂安千乘人。自歐陽生傳伏生尙書。至歙八世。皆爲博士。歙旣傳業。而恭謙好禮讓。更始立爲原武令。世祖平河北。到原武。見歙在縣修政。遷河南都尉。世祖卽位。封被陽侯。建武九年。更封夜侯。歙在郡。教授數百人。視事九歲。徵爲大司徒。坐事下獄。諸生守闕。爲歙求哀者千餘人。歙竟死獄中。

李尋。字子長。平陵人。治尙書。事丞相翟方進。除爲吏。及王根爲大司馬。厚遇尋。是時多災異。根數虛已問尋。尋見漢家有中衰隕會之象。乃說根宜急求幽隱。拔擢天士。諸闕茸佞調。以時廢退。政治感陰陽。猶鐵炭之低卬。見效可信者也。根乃薦尋。哀帝召尋。待詔黃門。數上書。抑外親。舉有德。帝雖不從。然采其語。每有非常。輒問尋。尋對屢中。遷黃門侍郎。建平時。坐事徙敦煌郡。

云敞。字幼孺。平陵人。師事同縣吳章。章治尙書。爲博士。平帝卽位。莽秉政。以平帝爲成帝後。不得顧私親。帝母及外家衛氏。不許至京師。莽長子宇。懼帝長見怨。與吳章謀。夜以血塗莽第門。冀懼莽。章欲因對其咎。事覺。莽誅宇。並滅衛氏。章坐腰斬。時敞爲大司徒掾。自劾爲吳章弟子。收抱章尸歸葬。京師稱焉。比之樂布。後薦爲諫大夫。

曹曾。字伯山。濟陰人。從歐陽歙受尙書。門徒三千人。位至諫議大夫。子祉。傳父業。至河南尹。

高獲。字敬公。汝南新息人。少與光武有素。舊師事歐陽歙。歙下獄。當斷。獲鐵冠帶鐵鎖。詣闕請歙。帝雖許。

謂曰。敬公。朕欲用子爲吏。宜改爲性。獲對曰。臣受性於父母。不可改之於陛下。出。便辭去。三公爭辟。不應。郡守每行縣。輒式其閭。獲遂遠遁江南。卒於石城。人思之。共爲立祠。

禮震。字仲威。平原人。年十七。聞師歐陽欽。坐事下獄。當斷。馳之京師。行到河南。獲嘉縣。自繫。上書求代。書奏。欽已死獄中。光武嘉其高義。拜震爲郎中。後以公事左遷淮陽王廩長。

林尊。字長賓。濟南人。治尙書。事歐陽高爲博士。後至少府太子太傅。授平陵平當。梁陳翁生。當至丞相。翁生。信都太傅。家世傳業。繇是歐陽有平陳之學。翁生授琅邪殷崇。楚國龔勝。崇爲博士。勝。右扶風。而平當授朱普。鮑宣。普爲博士。宣。司隸校尉。徒衆尤盛。

平當。字子思。平陵人。以明經爲博士。每有災異。當輒傳經術。言得失。文雅雖不及蕭望之。匡衡。然指意略同。哀帝時。累遷御史大夫。至丞相。賜爵關內侯。子晏。以明經歷位大司徒。封防鄉侯。漢興。唯韋平父子至宰相。

鮑宣。字子都。渤海高城人。受尙書於平當。舉孝廉。爲郎。病。去官。哀帝初。大司空何武。復薦宣爲諫大夫。每言事。語極切直。帝以宣名儒。優容之。會地震。宣復諫。帝納其言。拜宣爲司隸。坐忤丞相孔光。下廷尉獄。太學諸生救宣者千餘人。遮丞相車不得行。又守闕上書。帝減宣罪。徙之上黨。王莽秉政。宣及何武等以不附己俱誅。

龔勝。字君實。楚人。受書陳翁生。三舉孝廉。哀帝時。徵爲諫大夫。數上書言事。二歲餘。遷丞相司直。徙光祿

大夫出爲渤海太守。勝謝病歸。王莽篡國。拜勝爲講學祭酒。勝稱疾不應徵。後二年。莽復遣使者奉璽書。以太子師友祭酒印綬。安車駟馬迎勝。勝累辭。使者不聽。勝謂弟子高暉等。吾受漢家厚恩。無以報。今年老矣。誼豈以一身事二姓哉。語畢。遂不復開口。飲食積十四日。死。時年七十九矣。

桓榮。字春卿。沛郡龍亢人。習歐陽尙書。事博士九江朱普。貧窶無資。常客傭以自給。精力不倦。十五年不窺家園。王莽篡國。榮抱經書逃匿山谷。建武十九年。始辟大司徒府。召拜議郎。使授太子。會歐陽博士缺。帝欲用榮。榮讓同門生郎中彭閔。揚州從事臯弘。因拜榮爲博士。引閔、弘爲議郎。榮又薦門下生九江胡憲。侍講。二十八年。拜榮太子少傅。賜以輜車乘馬。榮謂諸生曰。今日所蒙。稽古之力也。顯宗卽位。尊以師禮。甚見親重。永平二年。三雍初成。拜榮爲五更。榮每疾病。帝幸其家問起居。入街下車。撫榮垂涕。良久乃去。自是諸侯將軍大夫問疾者。不敢復乘車到門。皆拜牀下。榮卒。帝親自變服臨喪。送葬。賜冢塋於首陽之下。子郁。

郁。字仲恩。敦厚篤學。傳父業。以尙書教授。門徒常數百人。榮卒。郁當襲爵。上書讓於兄子汎。顯宗不許。不得已。受封。帝以郁先師子。有禮讓。甚見親厚。常居禁中。論經書。問政事。稍遷侍中。和帝卽位。以郁及宗正劉方並入教授。歷遷侍中。奉車都尉。永元初。代丁鴻爲太常。門人楊震、朱寵皆至三公。

丁鴻。字孝公。潁川定陵人。年十三。從桓榮受歐陽尙書。三年而明章句。善論難。爲都講。父綝卒。鴻當襲爵。上書讓與弟盛。不報。鴻遂逃去。初。九江鮑駿與鴻同事。桓榮及鴻亡。封與駿遇於東海。陽狂不識。駿及

止而讓之。鴻感悟，遂還就國。累遷侍中。建初四年，肅宗詔鴻與諸儒論定五經，同異於白虎觀。帝親稱制臨決。時人歎曰：「殿中無雙丁孝公。」擢徙校書門下。繇是益盛。彭城劉愷，北海巴茂，九江朱伉，陳留陳奔，皆至公卿。

何湯，字仲弓，豫章南昌人。事沛郡桓榮，以才明知名。榮年四十無子，湯乃去榮妻，爲更娶，生三子，榮甚重之。後拜郎中，以明經授皇太子。建武中，守開陽門候。世祖微行夜還，湯閉門不納，更從中東門入。明旦，召詣大官賜食，諸門候皆奪俸。

桓焉，字叔元，少以父任爲郎。明經篤行。永初元年，入授安帝。三遷爲侍中、步兵校尉。永甯中，順帝爲皇太子，以焉爲太子少傅。月餘，遷太傅。踰年，廢皇太子爲濟陰王。焉諫，不能得。順帝卽位，與太尉朱寵並錄尙書事，以焉前議守正，封陽平侯。固讓不受。遷太尉。弟子傳業者數百人。黃瓊、楊賜最爲顯貴。

楊震，字伯起，弘農華陰人。少好學，受歐陽尙書於太常桓郁。明經博覽，無不窮究。諸儒爲之語曰：「關西孔子。」楊伯起年五十始舉茂才。四遷荊州刺史。延光二年，代劉愷爲太尉。累上疏言事。樊豐等懼，遂譖震，怨懟。帝夜遣使者取震印綬。於是柴門謝賓客。豐等復請大將軍耿寶奏震不服罪，詔遣還本部。震以爲姦臣狡猾，不能誅。嬖女傾亂，不能禁。何面目復見日月乎？遂飲酖而卒。順帝卽位，誅樊豐等。震門生虞放、陳翼，詣闕迫訟震事，詔改葬華陰。令太守丞以中牢具祠。

劉愷，字伯豫，宣帝玄孫居巢侯般之子。少受尙書於丁鴻。愷當襲爵，讓與弟憲。遁逃避封。久之，有司奏請

絕愷國。肅宗美其義，特優假之。乃徵拜爲郎。愷入朝，在位者莫不仰其風行。元初二年，代夏勤爲司徒，以病免。詔以千石祿歸養。河南尹常以歲八月致羊酒，無何復召拜太尉。視事二年，乞骸骨，久乃許之。下河南尹禮秩如前。

楊倫，字仲理，陳留東昏人。少爲諸生，受尙書於司徒丁鴻，爲郡文學掾。志乖於時，遂去職。講授於大澤中。弟子至千餘人。安帝時，爲清河王傅，坐上書切直，免歸。陽嘉中，前後三徵，俱不應。

楊秉，字叔節，震中子。少傳業，隱居教授。年四十，乃應司空辟，拜侍御史。桓帝卽位，以明尙書徵入，勸講。拜太中大夫，左中郎將，遷侍中尙書，以言事忤旨，免官歸。久之，復拜太常，代劉矩爲太尉。秉性不飲酒，又早喪夫人，遂不復娶。所在以淳白稱。嘗從容言曰：「我有三不惑：酒、色、財也。」年七十四薨，子賜。

賜，字伯獻，少傳家學，篤志博聞。又事桓焉，教授門徒，不答州郡禮命。建甯初，靈帝嘗受學，詔太傅三公選通尙書桓君章句，宿有重名者。三公舉賜，乃侍講於華光殿中。遷少府光祿勳，爲司徒。熹平、光和中，以災異數上封事，忤曹節等，以病罷。無何，復拜太常，累遷尙書令，後遷司空，卒諡文烈。

黃瓊，字世英，江夏安陸人。師事桓焉，受尙書。五辟不應。順帝時，詔下縣以禮慰遣。始至，卽拜議郎，稍遷尙書僕射。會連有災異，瓊奏諫，帝多納之。元嘉中，欲褒崇大將軍梁冀，下特進胡廣等議。廣等咸稱冀之勳德，宜比周公，錫之土田，山川附庸。瓊獨不從，冀以爲恨，會地動策免。及冀被誅，以瓊不阿梁氏，乃封邠鄉侯。是時五侯擅權，傾動中外，瓊稱疾不起。其年復爲司空，疾篤，猶上疏諫，語甚激切，卒諡忠侯。

桓典字公雅。傳其家業。以尙書教授潁川。舉孝廉爲郎。是時宦官秉權。典執政無所回避。常乘驄馬。京師爲之語曰。行行且止。避驄馬御史。獻帝卽位。三公奏典與何進謀誅閹宦。功雖不遂。忠義炳著。詔拜家人。爲郎。賜錢二十萬。從西入關。拜御史大夫。賜爵關內侯。仕至光祿勳。

張奐字然明。敦煌酒泉人。少游三輔。師事太尉朱寵。學歐陽尙書。舉賢良。對策第一。擢拜議郎。延熹中。拜武威太守。平均徭賦。率厲散敗。常爲諸郡最。遷大司農。上災異疏。申雪竇武。陳蕃而曹節等疾其言。卒陷黨罪。禁錮。卒年七十八。武威多爲立祠。世世不絕。

楊衆。賜從子。傳先業。以謁者僕射從獻帝入關。累遷御史中丞。及帝東還。夜走渡河。衆率諸官屬步從至太原。建安初。追前功。封務亭侯。從弟彪。

彪字文先。以能家學。徵拜議郎。遷侍中。京兆尹。中平六年。爲司空。明年。關東兵起。董卓欲遷都關中。彪不從。坐免。及遷洛陽。復拜尙書令。魏文受禪。欲以彪爲太尉。先遣吏示旨。彪固辭。乃賜几杖衣袍。因朝會引見。令彪著布單衣。鹿皮冠。杖而入。待以賓客之禮。



授經圖書卷第四諸儒著述附歷代尚書傳注

古文尚書十三卷

孔安國傳

古文尚書舜典一卷

范甯注

右古文經

今文尚書纂言六卷

吳澄

右今文經

三字石經尚書古篆三卷

一字石經尚書六卷

蜀本石經尚書十三卷

右石經

尚書章句三十一卷

歐陽生

尚書章句二十九卷

夏侯建

尚書章句十卷

尹洪

古文尚書九卷

鄭玄注

古文大義二十卷

任孝恭注

今字石經尚書八卷

秦本石經尚書十三卷

尚書章句二十九卷

夏侯勝

尚書章句二十九卷

平長

右章句

尙書大傳三卷 伏勝

書傳十一卷 葉夢得

書神傳十三卷 吳械

尙書訓詁傳四十六卷 晁公武

書集傳六卷 蔡沈

書集傳六卷 陳際

右傳

尙書注十一卷 馬融

尙書注十一卷 王肅

尙書注十五卷 謝沈

尙書解三十卷 陳鵬飛

尙書解十六卷 夏侯

尙書句解十二卷 朱祖義

書傳十三卷 蘇軾

書傳一卷 康伯成

書小傳十八卷 王炎

尙書小傳四卷 李昇

書附傳四十卷 王伯

尙書注九卷 鄭玄

尙書注十卷 范甯

尙書注十卷 王元度

尙書解四卷 胡銓

尙書解十三卷 孫覺

尙書表注一卷 金履祥

右注

書集解三卷

梅賾

尚書集釋十一卷

江道盛

尚書纂傳十卷

王天與

尚書集解五十八卷

林之奇

書集解二十卷

劉甄

書傳會通十一卷

陳大猷

尚書詳解十三卷

胡志行

纂集柯山尚書句解三卷

李公凱

尚書纂注六卷

董鼎

尚書世學六卷

豐坊

右集注

尚書大義二十卷

梁武帝

尚書義疏三十卷

蔡大寶

尚書集解十一卷

李顯

尚書集注二十卷

孔子

尚書詳說五十卷

張九成

尚書集解十四卷

顧臨

書四百家集解五十八卷

成申

尚書詳解五十卷

陳經

尚書全解二十八卷

胡瑗

書集解五十二卷

孫泌

書傳會選六卷

劉三吾

尚書義疏十卷

費彪

尚書義注二卷

呂文僊

尙書義疏十卷

巢

尙書義疏二十卷

顧

尙書義十五卷

全

尙書述義二十卷

劉

尙書正義二十卷

孔

尙書廣疏十八卷

馮

尙書講義三十卷

張

尙書精義六十卷

黃

書講義八卷

曾

尙書要義二十卷

魏

書約義二十五卷

應

尙書大義三卷

吳

書經撮要一卷

章

右義疏

尙書義二十卷

孔子

尙書文外義一卷

顧

尙書百篇義一卷

劉

尙書義疏三十卷

劉

尙書小疏十三卷

馮

書義會元一卷

張

尙書講義三十卷

曾

書講義二十二卷

史

尙書口義發題一卷

洪

新經書義十三卷

王

尙書新修義疏二十六卷

尹

尙書義粹二卷

王

尙書釋問注四卷 鄭玄

尙書駁議五卷 王肅

尙書百釋三卷 巢猷

尙書糾繆十卷 王元感

書集說或問二卷 陳大猷

尙書辨疑一卷 趙杞

書疑九卷 王柏

讀書管見二卷 王耕野

右問難

尙書暢訓一卷 伏勝

尙書釋義四卷 伊說

尙書孔目一卷 劉炫

尙書斷章十三卷 成伯璵

書經體要一卷 徐關

尙書義問三卷 鄭玄 王肅 孔晁

尙書釋問四卷 王粲

尙書百問一卷 顧歡

書辨訛七卷 鄭樵

書義辨疑一卷 楊時

書經正誤一卷 毛居正

尙書通考十卷 黃鎮成

尙書雜記二十二篇 周防

尙書新釋二卷 李顯

尙書略義三卷 劉炫

尙書略義一卷 樂敦逸

堯典舜典解一卷 程頤

書說七卷

朱熹

書義十述一卷

孫覺

家塾書鈔十卷

袁燮

家塾讀書記二十三卷

袁燮

尙書類數二十卷

卜大 亨

尙書翼範一卷

陳伯達

書說十二卷

孔仲武

書說一卷

鄭文數

讀書記十卷

王柏

讀書叢說六卷

許謙

尙書名數索至十卷

方時發

禹貢論二卷

程大昌

禹貢論二卷

傅寅

五誥解一卷

楊簡

尙書關言三卷

黃俞

書說一卷

程頤 人記 門

書說十卷

呂祖謙

尙書義宗三卷

楊玉

尙書演聖通論七卷

胡旦

書九意一卷

楊繪

書說七卷

黃度

書說三卷

趙汝談

尙書卓躍六卷

陳雅言

書傳旁通六卷

陳師凱

二典義一卷

陸佃

禹貢後論一卷

程大昌

無逸講義一卷

司馬光

無逸說命解三卷

吳安時

洪範五行傳論十二卷 劉向

洪範外傳十卷 程元休

洪範傳一卷 王安石

洪範會傳一卷 孫壽

洪範洛書辨一卷 田澤

洪範解一卷 張景

洪範解六卷 劉彝

定正洪範集說一卷 胡中一

洪範九疇數解八卷 熊宗立

洪範考疑一卷 吳世忠

右訓說

尙書圖一卷 宋真宗

禹貢治水圖一卷 孟先

尙書洪範辨圖一卷 吳仁傑

洪範五行傳記一篇 許商

洪範傳一卷 曾致

洪範皇極內篇十四卷 蔡沈

洪範統一卷 趙善湘

洪範補一卷 馮去非

洪範口義一卷 胡瑗

尙書洪範五行說一卷 孟先

洪範疇解一卷 俞深

洪範圖解一卷 韓邦奇

尙書百篇圖一卷 李燾

禹貢論圖一卷 程大昌

洪範論圖一卷 蘇洵

無逸圖一卷 王洙

右圖

書譜二十卷 程大昌

右譜

古文尙書音五卷 顧彪

古文尙書音一卷 徐邈

尙書音義四卷 王儉

周書音訓十二卷 王炎

右音

尙書緯三卷 鄭玄注

右緯

汲冢周書八卷 孔晁注

周書王會篇一卷 王麟應

書經亡篇序一卷 劉叔嗣

洪範論圖一卷 蘇允明

今文尙書音一卷 顧彪

尙書釋文一卷 陸德明

新定尙書釋文三卷 陳諤

尙書中候五卷 鄭玄注

古三墳一卷 毛漸注

尙書逸篇注三卷 徐邈

右逸書

漢尚書後漢尚書二十六卷孔衍

續尚書二卷陳正卿

右續書

續書一百五十篇王通

尚書演範一卷崔良佐



授經圖詩卷第一義例

韓嬰精詩。又通易。舊圖兩見。今以韓詩爲專門。特置於此。

毛詩謝曼卿。魯詩高嘉。右師細君。魏應。韓詩薛漢。雖無師承。而傳有次第。姑識之。以備咨考。

舊圖許晃受詩申公。傳李業。按漢書申公。高帝時人。許晃。平帝時人。相去甚遠。非的傳。故置別派。舊圖孔建。孔僖。皆治毛詩。而授受未詳。本傳亦無世學之文。故不載。



浮丘伯

申公
 劉交
 穆生
 白生
 劉郢客
 魯賜
 繆生
 闕門慶忌
 徐公
 許生

夏寬

周霸

徐偃

孔安國

趙綰

王臧

瑕丘江公
博士江公
卓茂

魯賜

繆生

闕門慶忌

徐公

許生

高嘉容
詡

右師細君
包咸
黃謙子

魏應
劉伉

許晃
李業

韋賢
玄成
韋賞
龔舍

薛廣德
龔勝

唐長賓

張長安
游卿
王扶

王式
褚少孫
許晏

韓固—夏侯始昌—后蒼—
 匡衡—
 白奇—
 翼奉—
 伏理—
 洪—
 晨—
 無忌—
 質—
 完—
 黯—
 恭—
 壽

蕭望之—
 師丹—
 班伯—
 滿昌—
 張邯—
 皮容

韓嬰—
 賁生—
 博士商—
 涿韓生—
 趙子—
 蔡誼—
 食子公—
 栗豐—
 張就—
 王吉—
 長孫順—
 髮福

薛漢—
 澹臺敬伯—
 韓伯高—
 杜撫—
 趙曄



授經圖詩卷第二諸儒傳略

卜商字子夏衛人孔子弟子子夏問巧笑倩兮美目盼兮素以爲絢兮何謂也子曰繪事後素曰禮後乎孔子曰商始可與言詩已矣孔子既沒子夏居西河教授爲魏文侯師子夏作詩序以授魯申申授李克克授孟仲子仲子授根牟子根牟子授荀卿荀卿授毛亨亨作詩訓傳以授毛萇以二公所傳故稱毛詩荀卿名況趙人從根牟子受詩又從虞卿受春秋年五十始游學於齊齊襄王時荀卿最爲老師齊尙修列大夫之缺而荀卿三爲祭酒齊人或讒荀卿卿乃適楚春申君以爲蘭陵令及廢遂家蘭陵著書數萬言號曰荀子

毛亨魯人爲詩訓詁傳於其家漢初河間獻王好學得詩傳而獻之朝是時有毛萇者受亨詩爲獻王博士每說詩獻王說之因復取詩傳加毛字以別齊魯韓三詩也故世謂亨爲大毛公萇爲小毛公亨詩傳絲萇盛行於漢鄭玄爲之箋箋表也識也玄以毛學審備遵暢厥旨所以表明毛意記識其事故稱爲箋云萇趙人以詩授同國貫長卿長卿授解延年延年爲阿武令授徐敖敖授九江陳俠及王璜俠爲講學大夫絲是毛詩有徐敖之學

賈徽扶風東陵人學毛詩於謝曼卿又從劉歆受左氏春秋兼習國語周官又從塗暉受古文尙書徽精四經又作左氏條例二十一篇子遠悉傳之元和間帝令遠撰齊魯毛韓詩同異若干萬言

衛宏字敬仲東海人少與河南鄭興俱好古學初從杜林受古文尚書又從九江謝曼卿受毛詩因作毛詩序善得風雅之旨

浮丘伯齊人受業荀卿秦時爲儒士楚元王交少與魯申公穆生白生俱受詩於浮丘伯及秦焚書各別去高后時浮丘伯在長安元王遣子郢客與申公俱卒業焉後言魯詩者皆宗浮丘伯

申公名培魯人少治魯詩漢興高祖過魯申公以弟子從師入見於魯南宮漢六年封弟交爲楚王王至楚以申公爲中大夫文帝時聞申公爲詩最精以爲博士及楚元王薨郢客嗣立申公失博士隨郢客歸復以爲中大夫令傅太子戊戊不好學及嗣立肯靡申公申公愧之歸魯家居教授終身不出獨王命召乃往弟子自遠方至者千餘人申公以詩爲訓無傳疑疑者則闕王臧趙綰武帝時欲建明堂不能成人乃言師申公於是帝使使束帛加璧安車以蒲裹輪駕駟迎申公既至帝問治亂之事申公對曰爲治者不在多言願力行何如耳是時帝方好文辭見申公對默然然已招致卽以爲太中大夫舍魯邸議明堂事明堂廢申公以病免歸申公弟子七十餘人孔安國自有傳周霸膠西內史夏寬城陽內史碭魯賜東海太守蘭陵繆生長沙內史徐偃膠西中尉鄒人闕門慶忌膠東內史

劉交字游高祖同父弟好書多才藝少受詩於浮丘伯從高祖入蜀漢還定三秦漢六年封交於楚是爲元王元王好詩諸子皆讀詩申公始爲魯詩傳號魯詩元王亦次之詩傳號曰元王詩世或有之子郢客

亦傳詩

穆生魯人。白生奄里人。在秦時俱習詩。漢初元王封於楚。以申公及穆生、白生爲中大夫。初元王與三人同師。故敬禮焉。穆生不嗜酒。元王每置酒。常爲設醴。及王戊卽位。常設。後忘設焉。穆生退曰。可以逝矣。醴酒不設。王之意怠。不去。楚人將鉗我於市。稱疾臥。申公、白生強起之。曰。獨不念先王之德與。今王一旦失小禮。何足至此。穆生曰。先王之所以禮吾三人者。爲道存故也。今而忽之。是忘道也。忘道之人。胡可與久處。豈爲區區之禮哉。遂謝病去。申公、白生獨留。王戊淫暴。後與吳通謀。申公諫不聽。皆靡之。

瑕丘江公受詩申公。武帝時爲博士。其治官民皆以廉節稱。其爲學弟子至大夫郎掌故者以百數。言詩雖殊。多本於申公。瑕丘江公盡傳師說。與魯許生免中徐公皆守學教授。瑕丘傳孫博士江公徒衆甚盛。爲魯詩宗。又善春秋。語在劉向傳。

王臧蘭陵人。趙綰代人。俱受詩於申公。臧事景帝。爲太子少傅。免去。武帝初卽位。臧乃上書備宿衛。一歲累遷至郎中令。綰爲御史大夫。二人請立明堂以朝諸侯。不能就其事。乃言申公。上使使迎申公。會竇太后不悅儒術。得臧、綰之過。以讓上。曰。此復爲新垣平也。上因廢明堂。下臧、綰。吏皆自殺。

王式字翁思。東平新桃人。事免中徐公及許生。爲昌邑王師。及昌邑嗣立。以行淫亂廢。昌邑羣臣皆下獄。誅。惟中尉王吉、郎中令龔遂以數諫免。治獄使者責問師何亡。諫式對曰。臣以詩三百篇朝夕授王。至忠臣孝子之篇。未嘗不爲王反覆誦之也。至於危亡失道之君。未嘗不流涕爲王深陳之也。臣以三百篇爲訓。是以亡諫書。使者以聞。亦得減死論歸家。不教授。山陽張長安先事式。後東平唐長賓、沛褚少孫亦來。

事式。唐生褚生。應博士弟子選。振衣登堂。頌禮甚嚴。試誦說有法。疑者丘蓋不言。諸博士驚問何師。對曰。事式亦皆素聞。式賢共薦。式詔除博士。江公嫉式。遂謝病歸。終於家。張生唐生褚生皆爲博士。張生自有傳。唐生楚太傅。繇是魯詩有張唐褚氏之學。

韋賢字長孺。魯國鄒人。受詩瑕丘江公。徵爲博士。稍遷給事中。授昭帝。帝崩。大將軍光與公卿共立宣帝。賢亦與謀議。賜爵關內侯。徙爲長信少府。以先帝師。甚見尊重。本始三年爲丞相。以老病罷。子玄成。

玄成字少翁。傳家學。以父任爲郎。擢爲諫大夫。累遷淮陽中尉。受詔與五經諸儒雜論。同異於石渠閣。條奏其對。以玄成爲少府。御史大夫永光中爲丞相。兄子賞亦明詩。授哀帝。官至大司馬。車騎將軍。繇是魯詩有韋氏之學。

卓茂字子康。南陽宛人。學於長安。受詩於博士江公。平帝時。以儒術舉爲郎。給事黃門。遷密令。數年。教化大行。蝗不入境。及王莽居攝。以病免。光武卽位。徵茂爲太傅。封褒德侯。賜長子戎爲太中大夫。

薛廣德字長卿。沛郡相人。受詩王式。教授楚國。龔勝龔舍。師事焉。蕭望之爲御史大夫。除廣德爲屬。數與論議。器之。薦廣德經行宜爲博士。論石渠。遷諫大夫。長信少府。御史大夫。廣德爲人溫雅。有醞藉。及爲三公。直言諫爭。帝雖聽。不悅。其年。以歲惡。民流乞骸骨。賜安車。駟馬。黃金。免歸。沛以爲榮。懸其安車。傳子孫。張長安字幼君。山陽人。治魯詩。薦爲博士。論石渠。至淮陽中尉。長安兄子游卿爲諫大夫。以詩授元帝。其門人琅邪王扶爲泗水中尉。陳留許晏爲博士。繇是張家有許氏之學。

龔舍字君倩。楚人。與兄勝相友。並著名節。故謂之楚兩龔。皆好學明經。勝爲郡吏。舍不仕。久之。楚王入朝。聞舍高名。聘爲常侍。舍不得已。隨王歸國。懇辭。願卒學。復至長安。徵授諫大夫。博士俱不就。哀帝時。拜舍爲太山太守。旣至。乞骸骨。天子徙爲光祿大夫。舍終不起。乃遣歸。舍通五經。以魯詩教授。郡二千石長吏。初到官。皆至其家。如師弟子之禮。年六十八卒。勝自有傳。

李業。字巨游。廣漢梓潼人。少習魯詩。師博士許晃。元始中舉明經。除爲郎。會王莽居攝。以病去官。及公孫述僭號。徵以博士業固辭。述乃使大鴻臚尹融持毒酒以劫業。若起。授以公侯之位。不起。賜之以藥。融致其意。業不從。遂飲毒而死。蜀平。光武詔表其閭。

魏應。字君伯。任城人。建武初。詣博士受業。習魯詩。除濟陰王文學。以疾免。建初四年。拜五官中郎將。詔授千乘王伉。肅宗甚重之。時會諸儒於白虎觀。講論五經同異。帝親臨稱制。如石渠故事。應以經明。行修。弟子至者數千人。

包咸。字子良。會稽曲阿人。少爲諸生。受業長安。師事博士右師細君。習魯詩。王莽末。住東海上。立精舍講授。光武卽位。乃歸鄉里。太守黃讜欲召咸授其子。咸辭不往。讜遂遣子師之。建武中舉孝廉。除郎中。入授皇太子。累遷大鴻臚。每進見。錫以几杖。入屏不趨。贊事不名。經傳有疑。輒遣小黃門就舍問之。顯宗以咸有師傅恩。賞賜珍玩。束帛奉祿。增於諸卿。年七十二卒。

高詡。字季回。平原般人。曾祖嘉。以魯詩授元帝。仕至上谷太守。父容。少傳嘉學。哀平閒。爲光祿大夫。詡以

父任爲郎。世傳魯詩。以信行清操知名。不仕莽世。光武卽位。大司空宋弘薦。詔徵爲郎。除符離長。復爲博士。在朝以方正稱。

轅固。齊人。以治詩。孝景時爲博士。居官廉直。拜清河王太傅。疾免。武帝卽位。復以賢良徵。諸儒多嫉毀。謂固罷歸時已九十餘矣。公孫弘亦徵。仄目而事固。固曰。公孫子務正學。以言勿曲學。以阿世。諸齊以詩顯貴。皆固之弟子也。弟子知名者。昌邑太傅夏侯始昌。始昌授后蒼。蒼授匡衡。翼奉。蕭望之。衡授琅邪師丹。伏理。滿昌。昌爲詹事。理自有傳。丹。大司空。繇是齊詩有翼。匡。師。伏之學。滿昌授九江張邯。琅邪皮容。皆至大官。徒衆尤盛。

翼奉。字少君。東海下邳人。治齊詩。與蕭望之。匡衡。同師。三人經術皆明。衡爲後進。望之施之政事。而奉惇學不仕。元帝時。諸儒薦徵。待詔宦者署。數言事燕見。天子敬焉。後拜中郎。爲博士。諫大夫。年老。以壽終。子及孫皆以學爲儒官。

蕭望之。字長倩。東海蘭陵人。治齊詩。旣事同縣后蒼。且十年。以令詣太常受業。復事同學博士白奇。三歲。以射策甲科爲郎。宣帝時。望之屢上疏言事。多見采納。及帝寢疾。以望之爲前將軍。受遺詔輔政。領尙書事。元帝卽位。益見尊重。爲弘恭。石顯。所構陷。自殺。

匡衡。字稚圭。東海承人。好學。家貧。傭作以供資用。尤精力過人。諸儒爲之語曰。無說詩。匡鼎來。匡說詩。解人頤。衡射策甲第。以不應令除爲太常掌故。調補平原文學。學者多上書薦衡經明。當世少雙。不宜在遠。

方事下蕭望之等問。衡對深美。宣帝不甚用儒。遣衡歸官。而皇太子見衡對私善之。及元帝卽位。以爲郎中。遷博士給事中。會日蝕地震。衡上疏陳政治得失。帝悅其言。遷爲光祿大夫。太子少傅。居數年。拜御史大夫。代韋玄成爲丞相。封樂安侯。後坐事。免爲庶人。終於家。子咸。亦明經。歷位九卿。家世多爲博士者。伏理字君游。琅邪東武人。受詩於匡衡。爲當世名儒。授成帝爲高密太傅。子湛。性孝友。少傳父業。教授數百人。成帝時。以父任爲博士弟子。五遷爲繡衣執法。更始立。以爲平原太守。時倉卒兵起。天下驚擾。而湛獨晏然。教授不廢。光武卽位。徵拜尙書典定舊制。建武三年。代鄧禹爲大司徒。封陽都侯。是時賊徐異卿等萬餘人據富平。連攻不下。惟云願降。司徒伏公。帝知湛爲青徐所信向。遣到平原。異卿等卽日歸降。湛雖造次。必於文德。以爲禮樂政化之首。顛沛猶不可違。其冬。車駕征張步。留湛居守。時烝祭高廟。而河南尹司隸校尉於廟中爭論。湛不舉。坐策免。六年。徙不其侯。邑三千六百戶。遣就國。十三年。徵湛。勅尙書擇拜吏日。未及就位。因燕見中暑。病卒。曾孫晨。謙敬博愛。好學尤篤。尙高平公主。奉朝請。位特進。玄孫無忌。亦傳家學。博物多識。爲侍中屯騎校尉。永和元年。詔無忌與議郎黃景校定五經。又撰漢紀。無忌卒。子質。嗣官至司農。質卒。子完嗣。尙桓帝女陽安長公主。女爲孝憲皇后。曹操殺后。誅伏氏。國除。自伏生已後。世傳經學。清靜無競。故東州號爲伏不鬪云。

師丹字仲公。琅邪東武人。治詩。事匡衡。舉孝廉。爲郎。元帝末。爲博士。免。建始中。復爲博士。出爲東平王太傅。丞相翟方進。御史大夫孔光。舉丹論議深博。廉正守道。徵入爲光祿大夫。丞相司直。數月。復以光祿大

夫給事中。由是爲少府、光祿勳、侍中。甚見尊重。成帝末。立定陶王爲皇太子。以丹爲太子太傅。哀帝卽位。領尙書事。封高樂侯。月餘。徙爲大司空。及上追尊定陶王爲共皇帝。尊傅太后爲共皇太后。丁后爲共皇后。又郎中令冷褒等復奏立廟京師。上下其議。有司皆以爲宜。丹議不可。由是不合上意。會有上書言古者以龜貝爲貨。今以錢易之。民以故貧。宜可改幣。丹使吏上議。吏私寫其草。丁傅子弟聞之。使人告丹。上封事漏泄。下廷尉治。廷尉劾丹大不敬。給事中申咸、快欽上書言丹經行無比。自近世大臣。能若丹少發憤懣。奏封事不及深思遠慮。過不在丹。以此貶黜。恐不能厭衆心。竟坐策免。廢歸鄉里。數年。平帝卽位。徵丹詣公車。賜爵關內侯。加以厚丘之中鄉戶二千一百。徙封義陽侯。月餘。薨。諡曰節侯。

伏黯。字稚文。理之子。以明齊詩。改定章句。作解說九篇。位至光祿勳。無子。以兄子恭爲後。恭少傳黯學。太常試經第一。拜博士。遷常山太守。敦修學校。教授不輟。繇是北州多伏氏之學。永平四年。拜司空。以病罷。初。父黯章句繁多。恭乃省減浮辭。定爲二十萬言。肅宗行饗禮。以恭爲三老。年九十終。子壽。官至東郡太守。

韓嬰。燕人。孝文時爲博士。景帝時。至常山太傅。推詩人之意。作內外傳數萬言。其語頗與齊魯閒殊。然歸一也。淮南賁生受之。燕趙閒言詩者皆宗之。嬰又以易授人。推易之意而爲之傳。燕趙閒好詩。故其易微。唯韓氏自傳之。武帝時。嬰嘗與董仲舒論於上前。其人精悍。處事分明。仲舒不能難也。後其孫商爲博士。孝宣時。涿郡韓生亦其後也。韓生以易徵。待詔殿中。曰。所受易。卽先太傅所傳也。嘗受韓詩。不如韓氏易。

深太傅故專傳之。

趙子河內人。事燕韓生。授同郡蔡誼。誼授同郡食子公與王吉。食生爲博士。授泰山栗豐。吉授淄川長孫順。順爲博士。豐部刺史。繇是韓詩有王、食、長孫之學。豐授山陽張就。順授東海髮福。皆貴顯。徒衆尤盛。蔡誼河內人。以明經給事大將軍幕府。數歲。補覆盎城門候。久之。詔求能爲韓詩者。徵誼待詔。久不進見。誼上疏曰。臣山東草萊之人。行能亡所比。容貌不及衆。然而不棄人倫者。竊以聞道於先師。自託於經術也。帝召見。誼說詩甚悅。擢爲光祿大夫。數歲。拜少府。遷御史大夫。代楊敞爲丞相。封陽平侯。年八十餘。終。諡節侯。

王吉字子陽。琅邪臯虞人。少好學。受韓詩於蔡誼。又通今文尙書。舉孝廉。爲昌邑王中尉。昌邑好游獵。動作亡節。吉諫不聽。後以病免。復徵爲博士。諫大夫。宣帝時。外戚許、史、王氏貴寵。而帝躬親政事。任用能吏。吉復上書言得失。帝以其言迂闊。不甚寵異。吉罷歸。後徵。以老病道卒。

薛漢字公子。淮陽人。世習韓詩。父子以章句著名。漢少傳父業。教授常數百人。建武初。爲博士。當世言詩者。推漢爲長。永平中。爲千乘太守。政有異跡。弟子會稽澹臺敬伯。鉅鹿韓伯高。最知名。

杜撫字叔和。犍爲人。少有高才。受業博士薛漢。定韓詩章句。歸鄉里教授。沈靜樂道。動必以禮。後爲東平王蒼所辟。及蒼就國。撫爲大夫。建初中。爲公車令。所作詩。題約義通。學者傳之。

趙曄字長君。會稽山陰人。少嘗爲縣吏。奉檄迎督郵。曄恥於厮役。遂棄車馬去。到犍爲資中。從杜撫授韓

詩。卒業。乃歸州。召補從事。不就。著詩細。蔡邕至會稽。讀而歎息。以爲長於論衡。邕還京師。傳之。學者咸誦習焉。時山陽張匡。字文通。亦習韓詩。作章句。後舉有道博士。徵不就。

授經圖詩卷第四諸儒著述附歷代四詩傳注

一字石經魯詩六卷

蜀本石經毛詩二十卷

右石經

詩經故訓二十八卷魯齊韓三家

韓詩故訓三十六卷韓嬰

齊詩故訓二十卷后蒼

詩故訓三卷錢文子

右故訓

齊詩章句九篇伏黯

韓詩章句二十卷張匡

右章句

詩傳一卷端木賜

今字石經毛詩三卷

秦本石經毛詩二十卷

魯詩故訓二十五卷申公

毛詩故訓二十卷毛萇撰鄭玄箋

廣川詩故四十卷董道

韓詩章句二十二卷薛漢

韓詩內傳四卷韓嬰

韓詩外傳十卷 韓嬰

詩傳三十九卷 蒼后

詩集傳二十卷 朱熹

詩補傳三十卷 范處義

詩傳二十卷 鄭樵

詩傳六十卷 鮮于侁

詩傳十卷 錢文子

詩傳旁通八卷 翟思忠

四詩表傳一卷 楊慎

右傳

毛詩注二十卷 王肅

毛詩傳注二十卷 葉遵

毛詩注二十卷 王元度

詩解二十卷 黃種

詩傳十卷 毛萇

詩集傳二十八卷 蘇轍

毛詩詁訓傳二十卷 晁公武

詩義外傳十二卷 舒玉

詩傳十卷 李常

詩傳二十卷 沈銖

詩傳十卷 陳寅

詩傳旁通十五卷 梁益

毛詩注二十卷 江熙

毛詩釋一卷 何偃

詩解一卷 范祖禹

詩解二十卷 項世安

詩頌解三卷鮮于

右注

毛詩集注二十四卷崔恩靈

周詩集解二十卷丘鑄

毛詩集解三十卷段武昌

詩傳通釋二十卷劉瑾

十五國風齊解一卷吳景山

魯詩世學三十六卷豐坊

右集注

毛詩雜義十卷賈逵

毛詩釋義十卷謝沈

毛詩異義二卷楊父

毛詩大義十一卷梁武帝

毛詩義疏二十八卷沈重

毛詩總集六卷何胤

詩緝三十卷嚴粲

毛詩集解四十二卷李博

毛詩會解一百卷林岳

詩義集說四卷孫鼎

毛詩義四卷劉番

毛詩義疏十卷殷仲堪

毛詩篇次義一卷劉勰

毛詩隱義十卷何胤

毛詩義疏二十卷舒援

毛詩義二十卷

全綬

毛詩誼府三卷

元延明

毛詩檢漏義二卷

謝疊濟

毛詩纂義十卷

許叔牙

毛詩大義三卷

蘇子才

新經詩義二十卷

王安石

詩外義二卷

宋成

詩講義十卷

喬執中

詩義三卷

趙仲銳

毛詩解義三十卷

鄭謂

詩講義五卷

林昌

詩講義三卷

黃邦彥

毛詩疏義二十卷

朱公遷

右義疏

毛詩章句義疏四十卷

魯世達

毛詩述義四十卷

劉炫

毛詩正義四十卷

孔穎達

毛詩小疏二十卷

張欣

毛詩本義十六卷

歐陽修

毛詩折衷義二十卷

劉宇

毛詩義方二十卷

林洪

詩講義二十卷

趙令潛

周詩義二十卷

茅知至

詩義二十卷

彭汝礪

詩要義二十卷

魏了翁

詩纂疏八卷

胡桂一

毛詩演義一卷

梁寅

毛詩義問十卷劉楨

毛詩問難二卷王肅

毛詩答問五卷朱育

毛詩辨三卷楊父

詩經疑問一卷朱倬

詩疑大鳴錄一卷曾堅

詩傳辨妄二十六卷鄭樵

毛詩辨疑一卷楊時中

詩正誤一卷毛居正

詩地理考五卷王應麟

詩地理考五卷許洞

右問辨

韓詩翼要十卷侯苞

毛詩解題二十卷張邵

毛詩義駁八卷王肅

毛詩駁五卷王基

難孫氏毛詩評四卷陳統

毛詩引辨一卷孫暢之

毛詩異同評十卷孫毓

詩傳辨誤八卷周式

詩辯疑一卷趙德

詩童子問二十卷輔廣

詩考五卷王應麟

詩考五卷許洞

詩辨說二卷王柏

毛詩奏事一卷王肅

毛詩別錄一卷張邵

詩表隱二卷

陳統

毛詩略四卷

郭璞

毛詩斷章二卷

成伯璵

毛詩正數二十卷

張訢

毛詩演聖通論二十卷

胡旦

詩說二十卷

孔武仲

毛詩判篇一卷

劉泉

讀詩記三十卷

呂祖謙

詩學一卷

范處義

詩二南義一卷

游酢

毛詩說三卷

許奕

詩說一卷

輔廣

詩說一卷

高端叔

毛詩前說一卷

項安世

毛詩拾遺一卷

郭璞

毛詩箋傳是非二卷

劉璠

毛詩指說統論一卷

成伯璵

毛詩正論十卷

劉孝孫

詩說三十卷

周堯卿

詩說一卷

張載

詩說三十卷

黃度

續讀詩記二卷

戴溪

解頤新語十四卷

范處義

毛詩關言二十三卷

黃俞君

詩總論一卷

黃種

詩總聞二十卷

王質

詩正紀三卷

朱咸

讀詩備忘二十四卷

李簡

詩重文說七卷吳良輔

誦詩訓五卷許洞

詩經解頤四卷朱善

詩說八卷薛應旂

右論說

詩大序一卷卜商

毛詩序義七卷孫暢之

毛詩解序義一卷顧歡

毛詩序義疏一卷劉歙

毛詩集序一卷劉炫

毛詩序義索隱二卷王商範

右序解

毛詩譜三卷鄭玄

毛詩譜二卷劉炫

詩說三十卷曹粹中

詩傳遺說六卷朱鑑

詩說解頤八卷季本

毛詩序注一卷阮珍之

毛詩發題序義一卷梁武帝

毛詩序注一卷陶弘景

毛詩序義二卷雷次宗

詩序辨一卷朱熹

毛詩譜三卷徐整

詩譜三卷李壽

補注毛詩譜一卷歐陽修

右譜

草木鳥獸魚蟲疏二卷陸機

草木鳥獸魚蟲廣疏六卷王應麟

詩集傳名物鈔八卷許謙

右名物

毛詩圖三卷蕭偉

毛詩古賢聖圖二卷蕭偉

小戎圖二卷通志略

右圖

毛詩諸家音十五卷鄭玄

毛詩音十六卷徐邈

毛詩音訓四卷李恕

毛詩叶韻補音十卷吳械

韓詩譜二卷趙曄

毛詩名物解二十卷蔡元度

毛詩名物解二十卷蔡卞

毛詩孔子圖經十二卷蕭偉

毛詩草木魚蟲圖二十卷唐文藝志

右圖

毛詩箋音證十卷劉芳

毛詩并注音八卷魯世達

詩古音辨一卷鄭庠

右音

詩緯注三卷

鄭玄

右緯

詩緯注十八卷

宋均



授經圖春秋卷第一義例

左傳、世傳、丘明所著。觀其文辭，不類丘明。其傳他國事略。楚國事詳。或爲左史、猗相之作。猗相，楚人。故紀楚獨詳也。今姑依舊圖爲丘明，以俟知者。

何休傳稱與其師羊弼。追述李育，以難二傳註疏。又稱公羊壽四傳而至何休。經學大明，以此知休受於弼。弼受於育，育受於仲舒。當是一派。茲略著其梗概。

褚大、殷忠、呂步舒。漢書俱稱事胡毋子都。而敘述亦未詳。及考史記，乃爲仲舒一派。子都別有傳者，今圖從史記。

樓望、舊圖從嚴彭祖。及考漢書本傳，受學丁恭。今圖從本傳。

翁君。按本傳，尹更始字。舊圖列爲二人。今從史汰去。

丁褚大。按本傳無丁字。段仲溫，本傳無溫字。或傳寫之誤。今圖俱從史改正。

房鳳、字子元。漢九江太守侯霸受學於房元。史氏或書名，或書字。其例不一。故繫霸於房氏之派。段仲、殷忠、舊圖爲二人。史記徐廣注曰：殷作段。仲忠聲相近。當是一人。今圖從之。

舊圖、張敞受學荀卿。按史記，荀卿，六國時人。張敞，宣帝時人。相去年代頗遠。非的傳。今圖不載。

授經圖春秋卷第二圖表

左丘明 — 魯申 — 吳起 — 期 — 鐸椒 — 虞卿

荀卿 — 劉公子 — 賈誼 — 張蒼 — 嘉 — 貫公 — 長卿 — 張禹

尹更始 — 胡常 — 咸 — 翟方進 — 宣 — 劉歆 — 孔奮 — 賈徽 — 陳欽 — 鄭興 — 孔奮 — 嘉 — 元 — 衆 — 安世

公羊高 — 平 — 地 — 敢 — 壽

胡毋生 — 公孫弘 — 疏廣 — 筦路 — 孫寶

胡毋生 — 嬴公 — 孟卿 — 眭孟


嬴公 — 貢禹 — 堂谿惠 — 冥都


董仲舒 — 段仲 — 褚大 — 李育 — 羊弼 — 何休

董仲舒 — 呂步舒

董仲舒 — 吾丘壽王

穀梁赤 — 荀卿 — 魯申公 — 瑕丘江公





授經圖春秋卷第三諸儒傳略

左丘明魯人受春秋於孔子作傳授魯申申授吳起起授子期期授鐸椒椒授虞卿虞卿作抄撮九卷授荀卿荀卿授張蒼及賈誼張敞劉公子皆脩左氏春秋傳誼爲左氏傳訓故授趙人貫公爲河閒獻王博士貫公授子長卿爲蕩陰令長卿授張禹禹授尹更始更始授子咸及翟方進胡常常授黎陽賈護哀帝時待詔爲郎授蒼梧陳欽至將軍劉歆從尹咸及翟方進受繇是言左氏者本之賈護劉歆

吳起衛人從魯申受春秋左氏傳事魏文侯文侯以起善用兵廉平能得士心乃以爲西河守以拒秦韓文侯旣卒起事其子武侯武侯浮西河而下中流顧謂起曰美哉山水之固此魏國之寶也起對曰在德不在險昔三苗氏左洞庭右彭蠡德義不脩禹滅之夏桀之居左河濟右泰華伊闕在其南羊腸在其北脩政不仁湯放之殷紂之國左孟門右太行常山在其北大河經其南脩政不德武王殺之繇此觀之在德不在險若君不脩德舟中之人盡爲敵國也武侯曰善及公叔爲相欲害吳起乃譖於武侯起懼而之楚楚之貴戚忌其能乘楚亂射殺之子期亦傳家學

鐸椒楚人受春秋於吳期爲楚威王傅以王不能盡觀春秋采取成敗卒四十章爲鐸氏微

虞卿不知何許人從鐸椒受左氏春秋爲趙上卿以魏齊之故不重萬戶侯卿相之印與魏齊閒行卒去趙困於梁不得意乃著書上采春秋下觀近世曰節義稱號揣摩政謀凡八篇以刺譏國家得失世傳爲

虞氏春秋

張蒼陽武人。受學荀卿。秦時爲御史。主柱下方書。漢興。蒼爲常山守。復徙代相。臧荼反。蒼以擊荼有功。封北平侯。更爲列侯。明習天下圖書計籍。又善算律歷。故令蒼以列侯居相府。領主郡國上計者。累遷御史大夫。年百餘歲卒。

賈誼。雒陽人。受左氏學於荀卿。年十八。能屬文。稱於郡中。文帝召爲博士。誼以漢興二十餘年。天下和洽。宜當改正朔。易服色。定官名。興禮樂。迺草具其儀法奏之。其說文帝雖謙讓未皇。於是議以誼任公卿之位。絳灌、東陽侯、馮敬之屬毀之。出爲長沙王太傅。後歲餘。復拜誼爲梁懷王太傅。懷王。文帝少子。愛而好書。故令誼傅之。梁王墜馬死。誼自傷爲傅無狀。歲餘亦死。武帝初。舉賈誼之孫二人爲郡守。賈嘉最好學。世其家。

翟方進。字子威。汝南上蔡人。少入京。從博士尹更始受春秋左氏傳。復從劉歆講授。積十餘年。經學明習。徒衆日廣。以射策甲科爲郎。二三歲。舉明經。遷議郎。是時宿儒有清河胡常。與方進同經。常爲先進。名譽出方進下。心害其能。論議不右方進。方進知之。候伺常。大都授時。遣門下諸生。至常所。問大義疑難。因記其說。如是者久之。常知方進宗讓己。內不自得。其後居士大夫之間。未嘗不備述方進。遂相親友。河平中。轉博士。累遷御史大夫。會丞相缺。羣臣多舉方進。帝亦器其能。遂擢爲相。封高陵侯。居九歲。以災異賜冊。自裁。天子親臨。禮賜異於他相故事。諡曰恭侯。子宣亦明經篤行。爲南郡太守。

鄭興字少贛河南開封人從博士金子嚴爲左氏春秋天鳳中又將門人從劉歆講大義歆美興才使撰條例章句訓詁及校三統歷建武六年以杜林薦徵爲太中大夫數言事依經守義文章溫雅坐奉使買奴婢左轉蓮勺令復以事免世言左氏者多祖興而賈逵亦善說春秋故左氏有鄭賈之學興去蓮勺遂不復仕客授闔鄉三公連辟不肯應卒於家子衆自有傳

孔奮字君魚扶風茂陵人少從劉歆受春秋左氏傳歆傳之謂門人曰吾已從君魚受道矣光武時奮爲武都太守爲政明斷甄善疾非見有美德愛之如親其無行者忿之如讐郡中稱爲清平弟奇游學洛陽奮以奇經明當仕乃上病去官守約鄉閭卒於家奇博通經典作春秋左氏刪奮子嘉官至城門校尉作左氏說云

陳元字長孫蒼梧廣信人父欽習左氏春秋事黎陽賈護與劉歆同時而別自名家元受父業爲之訓詁銳精覃思至不與鄉里通以父任爲郎建武初元與桓譚杜林鄭興俱爲學者所宗及立左氏學選博士四人元爲第一後辟司空李通府又辟司徒歐陽歙府數陳當世便事帝不能用以病免

公羊高齊人受春秋於卜子夏傳其子平平傳其子地地傳其子敢敢傳其子壽至漢景帝時乃與弟子董仲舒胡毋子都著以竹帛仲舒以公羊顯於朝四傳而至何休作解詁其學遂大行

胡毋生字子都齊人傳公羊春秋爲景帝博士與仲舒同業以老歸教授齊之言春秋者多宗事之授東平嬴公廣川段仲嬴公爲昭帝諫大夫授東海孟卿卿授魯人眭孟孟授東海嚴彭祖魯人顏安樂彭祖

爲春秋嚴氏學。安樂爲春秋顏氏學。孟卿自有傳。

董仲舒。廣川人。從公羊壽受春秋。漢景帝時爲博士。下帷講誦。弟子傳以久次相受業。或莫見其面。蓋三年。仲舒不觀於舍園。其精如此。武帝卽位。出爲江都相。中廢爲中大夫。仲舒爲人廉直。是時公孫弘治春秋。不如仲舒而疾之。言於帝。使相膠西王。膠西王素聞仲舒有行。亦善待之。仲舒恐久獲罪。疾免家居。不治產業。脩學著書爲事。故漢興五世之間。惟仲舒名爲明於春秋。仲舒弟子蘭陵褚大。廣川殷忠溫。呂步舒。大至梁相。步舒至長史。弟子通者。至於命大夫。爲郎謁者。掌故者。以百數。而仲舒子及孫。皆以學至大官。

公孫弘。字季少。齊菑川國薛縣人。家貧。牧豕海上。年四十餘。始受春秋於胡毋生。養後母孝謹。建元元年。徵以賢良爲博士。使匈奴。還報不合上意。以病免。元光五年。復以文學徵。弘讓謝國人。固推弘。及對策。天子擢弘第一。召入見。狀貌甚麗。拜爲博士。待詔金馬門。每朝會議。開陳其端。令人主自擇。不肯面折庭爭。上以其行敦厚。辯論有餘。習文法吏事。而又緣飾以儒術。二歲中至左內史。元朔三年。代張歐爲御史大夫。五年。爲丞相。年八十。終於位。自弘以春秋白衣爲天子三公。封以平津侯。天下之學士靡然鄉風矣。吾丘壽王。字子贛。趙人。年少。以善格五。召待詔。詔使從中大夫董仲舒受春秋。高材通明。遷侍中。中郎坐法免。會東郡盜賊起。拜壽王爲東郡都尉。後徵入。爲光祿大夫。侍中。丞相公孫弘奏禁民挾弓弩。上下其議。壽王對曰。愚聞聖王合時以明教。未聞弓矢之爲禁也。且爲禁者。爲盜賊之以攻奪也。攻奪之罪。重誅

不避也。臣恐邪人挾之而吏不能止。良民以自備而抵法。是擅賊威而奪民救也。竊以爲無益於禁姦。而廢先王之典。使學者不得習行其禮。大不便。上以難丞相弘。弘詘服焉。及汾陰得寶鼎。上問壽王。壽王對上善之。賜壽王黃金十斤。後坐事誅。

貢禹字少翁。琅邪人。師事嬴公。以明經潔行著聞。宣帝時。舉賢良。爲河南令。歲餘。以職事爲府官所責。免冠謝。禹曰。冠一免。安復可冠也。遂去官。元帝卽位。徵禹爲諫大夫。數虛己問以政事。是年饑。禹奏切直。帝善其忠。拜光祿大夫。後乞骸骨。詔褒答。遷御史大夫。禹又奏罷郡國園廟。定漢宗廟。迭毀禮。禹卒後。帝追思。竟下詔行其議。

眭弘字孟。魯國蕃人。以字行。從孟卿受春秋。以明經爲議郎。至符節令。昭帝元鳳三年春。萊蕪山南。匈匈有數千人聲。民視之。有大石自立。上林苑中柳樹斷枯臥地。亦自立。孟推春秋災異之義。使友人內官長賜上書言事。時昭帝幼。霍光惡之。下其書廷尉。奏賜孟妄言惑衆。皆伏誅。後五年。宣帝卽位。徵孟子爲郎。疏廣字仲翁。東海蘭陵人。受孟卿春秋。家居教授。徵爲博士。地節三年。立皇太子。廣爲少傅。居數月。徙太傅。廣兄子受。亦以賢良舉爲太子家令。好禮恭謹。敏而有辭。拜少傅。太子每朝。太傅在前。少傅在後。父子并爲師傅。朝廷以爲榮。在位五歲。皇太子年十二。通論語。孝經。廣謂受曰。吾聞知足不辱。知止不殆。卽日父子俱以病乞歸。詔賜黃金二十斤。皇太子贈以五十斤。廣旣歸鄉里。日令家供具。請族人故舊。與相娛樂。不置田宅。或勸廣。廣曰。吾豈老詩不念子孫哉。顧自有舊田廬。子孫勤力。足供衣食。今復增益。但教子

孫怠惰耳。賢而多財。則損其志。愚而多財。則益其過。於是族人悅服。後廣受。皆以壽終。

何休字邵公。任城樊人。休爲人質樸訥口。而雅有心思。精研六經。世儒無及者。以列卿子。召拜郎中。非其好也。辭病而去。不仕州郡。進退必以禮。坐陳蕃黨。錮作春秋公羊解詁。覃思不闕。門十有七年。妙得公羊本意。與其師博士羊弼。追述李育。以難二傳。作公羊墨守。左氏膏肓。穀梁廢疾。黨錮解。又辟司徒府。羣公表休道術深明。宜侍帷幄。乃拜議郎。屢陳忠言。遷諫大夫。卒。年五十四。

嚴彭祖字公子。東海下邳人。與顏安樂俱事眭孟。孟弟子百餘人。惟彭祖、安樂爲明。質問疑義。各持所見。孟曰。春秋之意。在二子矣。孟死。彭祖、安樂各專門教授。繇是公羊春秋有顏嚴之學。彭祖爲宣帝博士。至河南太守。以高第入爲左馮翊。遷太子太傅。廉直不事權貴。或說曰。天時不勝人事。君以不脩小節。曲禮亡貴人左右之助。經誼雖高。不至宰相。願少自勉強。彭祖曰。凡通經術。固當脩行先王之道。何可委曲從俗。苟求富貴乎。彭祖竟以太傅官終。授琅邪王中。中爲元帝少府。家世傳業。中授同郡公孫文。東門雲。雲爲荊州刺史。文、東平太傅。

顏安樂字公孫。魯國薛人。眭孟姊子。家貧。爲學精力。官至齊郡太守丞。安樂授淮陽冷豐次君。淄川任公。公爲少府。豐、淄川太守。繇是顏氏有冷任之學。始貢禹事嬴公。成於眭孟。至御史大夫。疏廣事孟卿。至太子太傅。廣授琅邪筦路。路爲御史中丞。禹授潁川堂溪惠。惠授泰山冥都。都爲丞相史。都與路又事顏安樂。故顏氏復有筦冥之學。路授孫寶。爲大司農。豐授馬宮。琅邪左咸。咸爲郡守。徒衆尤盛。官至大司徒。

丁恭字子然山陽東緡人習公羊嚴氏春秋恭學義精明教授常數百人州郡請召不應建武初爲諫議大夫博士封關內侯十一年遷少府世稱大儒後拜侍中祭酒騎都尉卒於官

孫寶字子嚴潁川鄆陵人從筦路受春秋初爲郡吏御史大夫張忠薦寶經明質直宜侍近臣爲議郎遷諫大夫會益州蠻夷犯法巴蜀不寧詔以寶爲廣漢太守蠻夷旣輯徵爲京兆尹平帝立寶爲大司農越巂郡上黃龍游江中廷臣咸稱莽功德比周公宜告祠宗廟寶曰周公上聖召公大賢尙猶有不相說著之經典兩不相損今風雨未時百姓不足每有一事羣臣同聲得無非其美者時大臣皆失色侍中奉車騎都尉甄邯卽時承制罷議未幾寶坐事免建武中錄舊德以寶孫伉爲都長

鍾興字次之汝南汝陽人少從丁恭受嚴氏春秋恭薦興學行高明光武召見問以經義應對甚明帝善之拜郎中稍遷左中郎將詔令定春秋章句去其重複以授皇太子又使宗室諸侯從興受章句封關內侯興自以無功不敢受爵帝曰先生教訓太子及諸王侯非大功耶興曰臣師丁恭於是復封恭而興固辭不受爵卒於官

樓望字次子陳畱雍丘人少從丁恭習嚴氏春秋操節清白有稱鄉閭建武中趙節王栩聞其高名遣使齎玉帛請以爲師望不受後仕功曹永平初爲侍中越騎校尉入講省內累遷左中郎將教授不倦世稱儒宗

樊儵字長魚南陽湖陽人宏之子從侍中丁恭受春秋謹約有父風事後母至孝永平元年拜長水校尉

以決獄見知於明帝。曾刪定嚴氏春秋章句。世號樊侯學。教授門徒。前後三千餘人。弟子潁川李脩。九江夏勤。皆爲三公。勤字伯宗。爲京苑二縣令。廬陵太守。所在有理能稱。安帝時。位至司徒。

承宮字少子。琅邪姑幕人。受春秋於丁恭。勤學不倦。永平中。徵詣公車。拜博士。遷左中郎將。數陳時政。論議切慤。朝臣憚其節。仕至侍中祭酒。

馬宮字游卿。東海戚人。治顏氏春秋。以射策甲科爲郎。遷楚長史。免官。後爲丞相司直。師丹薦宮行能高潔。遷廷尉。平青州刺史。汝南九江太守。所在見稱。徵爲詹事。光祿勳右將軍。代孔光爲大司徒。封扶德侯。元始中。坐議傅太后諡。上大司徒印綬。以侯就第。

張霸字伯饒。蜀郡成都人。年數歲而知孝讓。雖出入飲食。自然合理。鄉人號曰張曾子。七歲通春秋。復欲進餘經。父曰。汝小。未能也。霸曰。我饒爲之。故字曰饒焉。後就長水校尉樊儵。受嚴氏公羊春秋。遂博覽五經。諸生孫林。劉固。段著等慕之。各市宅其旁。以就學焉。舉孝廉。稍遷光祿主事。永元中。爲會稽太守。表用郡人處士顧奉。公孫松等。奉後爲潁川太守。松爲司隸校尉。並有名稱。其餘有行業者。皆見擢用。郡中爭厲志節。習經者以千數。道路但聞誦聲。初。霸以樊儵刪嚴氏春秋。猶多繁辭。乃減定二十萬言。更名張氏學。霸後四遷爲侍中。當爲五更。會疾卒。將作大匠翟酺等與諸門人追錄本行。諡曰憲文。中子楷。

楷字公超。通父嚴氏春秋。門徒常百人。賓客自父黨。夙儒。偕造門焉。車馬填街。徒從無所止。黃門及貴戚之家。皆起舍巷次。以候過客往來之利。楷疾其如此。輒徙避之家。貧無以爲業。常乘驢車。至縣賣藥。足給

食輒還鄉里。言隸舉茂才。除長陵令。不至。官隱居弘農山中。學者隨之所居。成市。後華陰山南。遂有公超市。五府連辟。舉賢良方正。不就。建和三年。詔安車備禮聘之。辭以篤疾。年七十。終於家。

穀梁赤。一名淑。字元始。魯人。受經於子夏。作春秋傳。授荀卿。卿授魯申公。申公授瑕丘江公。江公授子及孫博士公。其後寢微。惟榮廣、皓星公二人傳其學。

瑕丘江公。與董仲舒並時。仲舒本治公羊。能持論。善屬文。江公吶於口。上使與仲舒議。不如仲舒。卒用仲舒。於是詔太子受公羊春秋。太子既受公羊。復私問穀梁而善之。

劉向。字子政。年十二。以父德任爲輦郎。既冠。以行脩飭。擢爲諫大夫。會立穀梁春秋。詔向受經博士江公。講論於石渠。元帝初。太傅蕭望之。少傅周堪。薦向宗室忠直。明經有行。擢爲散騎宗正。給事中。與侍中金敞。拾遺於左右。四人同心輔政。爲弘恭、石顯所譖。愬下獄。其春地震。上感悟。徵向爲中郎。尋以恭顯誣罔。復免爲庶人。成帝卽位。顯等伏辜。向復召用。領護三輔都水。數奏封事。遷光祿大夫。校中祕書。時政由王氏。災異浸甚。向曰。外家日盛。其漸必危。劉氏復上書極諫。天子召見。向歎息悲傷。以向爲中壘校尉。每陳奏。言皆痛切。發於至誠。上數欲用向。爲九卿。輒不爲。王氏居位者。及丞相御史所持。故終不遷。向卒後。十三歲。而王氏代漢。子歆自有傳。

榮廣。字王孫。魯人。受春秋於博士江公。高才捷敏。與公羊大師眭孟等論。數困之。故好學。頗宗焉。蔡千秋少君。周慶幼君。丁姓子孫。皆從廣受。千秋又事皓星公。其學益顯。

蔡千秋沛人治穀梁春秋宣帝卽位聞衛太子好穀梁春秋以問丞相韋賢長信少府夏侯勝及侍中樂陵侯史高皆魯人言穀梁子本魯學公羊氏迺濟學也宜興穀梁時千秋爲郎召見與公羊家並說帝善穀梁說擢千秋爲諫議大夫給事中後有過左遷平陵令復求能爲穀梁者莫及千秋帝愍其學絕迺以千秋爲郎中戶將選郎十人從受

尹更始字翁君汝南人本事蔡千秋能說春秋矣會千秋病死徵江公孫爲博士劉向以故諫大夫通達待詔受穀梁欲令助之江博士亦死迺徵周慶丁姓待詔保宮使卒授十人自元康始講至甘露元年積十餘歲皆明習乃召五經名儒太子太傅蕭望之等大議殿中評穀梁公羊同異各以經處是非時公羊博士嚴彭祖侍中申輓伊推宋顯穀梁議郎尹更始待詔劉向周慶丁姓並論公羊家多不見從欲請內侍郎許廣使者亦並內穀梁家中郎王亥各五人議三十餘事望之等十一人各以經誼對多從穀梁繇是穀梁之學大盛慶爲博士姓至中山太傅授楚申章昌曼君爲博士至長沙太傅徒衆尤盛尹更始爲諫大夫長樂戶將又受左氏傳取其變理合者以爲章句傳子咸及翟方進琅邪房鳳咸至大司農方進鳳自有傳

房鳳字子元不其人以射策乙科爲太史掌故太常舉方正爲縣令都尉失官大司馬王根薦鳳明經擢爲光祿大夫遷五官中郎將九江太守至青州牧時光祿王龔與奉車都尉劉歆共校書三人皆侍中始江博士授胡常常授梁蕭秉君房爲講學大夫繇是穀梁春秋有尹胡申章房氏之學

侯霸字君房河南密人篤志好學不事產業師九江太守房元治穀梁春秋爲元都講少舉德行遷隨宰
光武初時無故典朝廷又少舊臣霸明習故事收錄遺文乃徵霸令條奏善政法度有益於時者皆施行
之明年拜大司徒封關內侯在位明察守正奉公不回薨於位



授經圖春秋卷第四諸儒著述附歷代春秋傳注

一字石經春秋一卷

古篆石經左傳十二卷

秦本石經左傳三十卷

秦本石經穀梁傳十卷

蜀本石經公羊傳十二卷

右石經

春秋章句三十八篇公羊高

春秋左傳章句二十卷賈逵

春秋左傳章句二十二卷王肅

右章句

春秋傳三十卷左丘明

春秋外傳五十篇公羊高

三字石經春秋三卷

今字石經左傳十卷

秦本石經公羊傳十卷

蜀本石經左傳三十卷

蜀本石經穀梁傳十二卷

春秋章句三十三篇穀梁赤

春秋左傳章句三十卷董遇

春秋穀梁傳章句十五卷尹更始

春秋傳十一卷公羊高

春秋傳十一卷穀梁赤

春秋外傳二十篇穀梁赤

春秋傳十一卷夾氏

春秋傳一卷程頤

春秋傳十二卷陳禾

春秋故訓傳五卷晁公武

春秋傳三十卷林拱辰

春秋後傳十二卷陳良

春秋傳二十卷葉夢得

春秋傳十五卷劉敞

春秋正傳三十七卷滿若水

右傳

春秋左氏傳解誼十一卷服虔

春秋左傳注十二卷王昶

春秋左傳注十卷杜預

春秋傳十一卷鄒氏

春秋公羊記十一篇顏安樂

春秋傳十二卷鄭樵

春秋傳三十卷胡安國

春秋傳二十卷程迥

春秋傳十二卷陸佃

春秋後傳補遺一卷陳良

春秋傳十二卷劉絢

春秋外傳二十五卷朱臨

春秋左傳注三十卷王肅

春秋左傳注十卷士燮

春秋左傳注三十卷董遇

春秋左傳注二十八卷孫毓

春秋左傳注二十卷王柏

春秋公羊傳注十二卷殷祖彭

春秋公羊傳注十二卷高襲

春秋公羊傳注十四卷孔衍

春秋穀梁傳注十四卷段熲

春秋穀梁傳注十二卷糜信

春秋穀梁傳注十四卷孔衍

春秋穀梁傳注十六卷程嗣

春秋穀梁傳注十二卷范甯

春秋左氏經傳解四卷王述

春秋解十卷楊簡

春秋解十二卷黎錡

春秋解二卷劉易

春秋左傳注三十卷王元度

春秋公羊傳注十二卷何休

春秋公羊傳注十三卷王期

春秋公羊傳注十二卷戴宏序

春秋穀梁傳注十五卷尹更始

春秋穀梁傳注十二卷唐固

春秋穀梁傳注十卷張靖

春秋穀梁傳注十二卷徐邈

春秋穀梁傳注十二卷徐乾

春秋經傳解六卷沈宏

春秋經傳解六卷崔靈恩

春秋解十五卷孫覺

春秋解十二卷崔子方

春秋解二卷呂本中

春秋左傳句解七十卷林堯叟

春秋外傳注解十五卷王猷

左傳附注五卷陸燾

右注

春秋經傳集解三十卷杜預

春秋穀梁傳集解十卷胡訥

春秋穀梁傳集解十卷沈仲義

春秋集注二十卷陸質

春秋集傳十二卷蘇轍

春秋集解三十卷呂謙祖

春秋集傳十五卷王沿

春秋集解三十三卷林栗

春秋集義五十卷李明復

春秋曾義二十六卷杜諤

春秋左傳節解三十五卷朱申

春秋左傳補注十卷趙汴

左傳直解十二卷郭登

春秋三傳集注十一卷劉兆

春秋集三傳經解十二卷胡訥

春秋公羊穀梁集傳十二卷劉琨

春秋集傳十七卷陸淳

春秋穀梁傳集解四卷張程劉家

春秋集傳十五卷王葆

春秋集注十一卷張洽

春秋集義五十卷王夢應

春秋集傳詳說三十卷家鉉翁

春秋纂言十二卷吳澄

春秋諸傳會通二十四卷李廉

右集注

春秋左氏達義一卷王玠

問春秋穀梁義三卷薄叔玄

春秋穀梁傳義十卷徐邈

春秋左氏傳立義十卷崔靈恩

春秋義略三十卷張冲

春秋義囊二卷劉炫

春秋公羊傳疏二十八卷楊士助

春秋發題辭及義記十一卷王元規

春秋義疏六十卷徐文遠

春秋新義十卷蹇遵品

春秋講義三卷王葆

春秋通義二十四卷家安國

春秋義函傳十六卷千寶

答春秋穀梁義三卷徐邈

公羊穀梁文句義十卷崔靈恩

春秋左氏經傳義略二十七卷沈文阿

春秋左傳述義四十卷劉炫

春秋正義三十六卷孔穎達

春秋穀梁傳疏十二卷楊士助

續沈文阿義略十卷王元規

春秋義鑑三十卷郭翔

春秋通義十二卷王哲

春秋口義五卷朱媛

春秋排門顯義十卷張翰

春秋敘鑑三卷黃彬

春秋括義三卷邵川

春秋左氏講義十卷時陶

春秋義解十二卷王裴

春秋經筌十六卷趙飛 鵬

春秋大旨十卷魏吉 謙

春秋講義四卷戴溪

春秋要義十卷蔡延龜

春秋異義解十二卷王哲

春秋義二十卷王棊

春秋新義十卷宋堂

春秋要義三十卷胡瑗

春秋總義三卷謝混

春秋講義五卷黃叔敷

春秋精義三十卷黃彬

春秋公羊傳疏三十卷徐彥

春秋通略全義十五卷惠簡

春秋釋聖新傳十二卷任伯禹

春秋要義二十卷魏了翁

春秋講義六卷戴少望

春秋折衷義十一卷吳汝

春秋三傳集義三十卷李龔俞

春秋通義十二卷王哲

春秋經社要義六卷孫覺

春秋義略十四卷董敦逸

春秋義二十四卷謝混

春秋講義三卷朱振

春秋左氏講義四卷范仲

春秋正義十二卷毛邦彥

春秋名義一卷王日休

春秋釋義十二卷俞皐

春秋纂疏三十卷汪克寬

春秋世學三十八卷坊豐

右義疏

春秋雜記八十三篇公羊高

抄撮九卷鐸椒

石渠義奏三十九篇漢諸儒

駁何氏漢議十一卷服虔

春秋決事十卷董仲舒

駁何氏議二卷鄭玄

春秋左氏經傳朱墨列一卷賈逵

春秋答問五卷荀爽徐欽

春秋名義二卷周燧

春秋義宗一百五十卷高叔端

春秋闕疑八卷鄭王

春秋私考三十六卷季本

鐸氏微三篇鐸椒

虞氏微二篇虞卿

春秋漢議十三卷何休

春秋成長說九卷服虔

春秋繁露十七卷董仲舒

春秋釋訓一卷賈逵

春秋三家訓詁十二卷賈逵

春秋公羊墨守十四卷何休

春秋穀梁廢疾三卷何休

春秋議十卷何休

春秋說要十卷廉信

春秋三傳論十卷韓益

左氏釋滯十卷殷興

公穀二傳評三卷江熙

春秋難答論一卷王愨

春秋成奪十卷潘叔度

春秋旨通十卷王述之

三傳旨要十五卷劉軻

春秋規過三卷劉炫

春秋指掌十五卷李瑾

春秋摘微一卷盧全

春秋纂要四十卷高重

春秋左氏膏肓十卷何休

左氏膏肓釋痾五卷服虔

理何氏漢議二卷糜信

春秋三傳評十卷胡訥

公羊達義三卷劉寔

春秋二傳異同十二卷李鉉

春秋經合三傳通論十卷潘叔度

春秋申先儒傳論十卷崔靈恩

左氏傳賈服異同略五卷孫毓

春秋攻昧十三卷劉炫

春秋碎玉一卷李瑾

春秋微旨三卷陸淳

春秋叢林十二卷李謐

春秋振滯二十卷王元感

春秋通一卷韓

春秋指元十卷張傑

左傳引帖繼義七卷蹇遵品

春秋原要二卷王曉

春秋要論五卷馬擇言

左氏鼓吹一卷吳元緒

春秋關言十二卷黃君俞

春秋索隱五卷陳洙

春秋總論三卷孫復

春秋正論三卷龍昌期

春秋意十五卷皮元

春秋諸國統紀六卷齊履謙

春秋統微二十五卷章拱之

春秋意林二卷劉敞

春秋闡微纂類義統十卷匡楹

春秋折衷論三十卷陳岳

春秋纂要十卷姜虔嗣

春秋左氏區別三十卷何弘真

春秋元會十二卷鄭昭慶

春秋皇綱論五卷王哲

春秋本旨四卷何涉

春秋尊王發微十二卷孫復

左氏指元十二卷楊希範

春秋復道論十五卷龍昌期

春秋褒貶志五卷劉夔

春秋纂類十卷葉清臣

春秋索隱五卷朱定序

春秋釋幽五卷許洞

左氏解一卷 王安石

春秋機括二卷 沈括

春秋論三十卷 趙瞻

春秋學纂十二卷 孫覺

春秋通志二十卷 朱長文

春秋總要十卷 李撰

春秋傳類十卷 張德昌

春秋類聚五卷 王仲孚

春秋龜鑑一卷 王叔

春秋解問一卷 丁裔昌

春秋對事五卷 李塗

春秋比事三卷 蔡延龜

春秋夾氏三十卷 蔡延龜

春秋集表二卷 楊彥齡

左氏蒙求二卷 楊彥齡

春秋邦典二卷 唐既濟

春秋左氏傳雜論一卷 晁補之

春秋通訓十六卷 張大亨

春秋要類五卷 袁希政

春秋諫類二卷 沈緯

春秋守鑑一卷 王叔

春秋應判三十卷 塗昭良

春秋綴英二卷 謝璧

春秋扶懸三卷 蔡延龜

春秋策問三十卷 蔡延龜

春秋樞宗十卷 李融

春秋事要十卷 元保宗

春秋琢瑕一卷濬

春秋文權五卷遵

春秋要旨十二卷呂大圭

春秋備對十三卷謝子房

春秋正名隨隱要旨十二卷朱振

春秋指蹤二十一卷鄧驥

春秋時論一卷李棠

春秋通旨一卷胡安國

春秋中論三十卷劉本

春秋總鑑十二卷董自任

春秋麟臺獨講十一卷夏休

左氏章指三十卷陳良傅

左傳類編六卷呂祖謙

左氏說一卷呂祖謙

春秋蒙求五卷王邦彥

春秋指微十卷魯有開

春秋見微五卷范柔中

春秋指要一卷朱振

春秋統論一卷陳禾

春秋指南十卷張根

春秋讖三十卷葉夢得

春秋集善十三卷胡銓

春秋正辭二十卷畢良史

春秋素志三百十五卷夏休

春秋門例通解十卷王炫

春秋私記一卷朱臨

左氏博議二十卷呂祖謙

左氏博議綱目一卷呂祖謙

左氏廣誨蒙一卷李淡

左氏類事始末五卷章沖

左傳約說一卷石朝英

春秋通說十三卷黃仲炎

春秋屬辭比事五卷辛次聲

演繁露六卷程大昌

春秋提綱十卷陳則通

春秋書法大旨一卷高允憲

春秋三傳正附論十三卷陳林希藻

春秋說一卷張載

春秋或問六卷呂大圭

春秋分記四十卷程伯剛

續明三傳說略八卷敬鉉

春秋十三伯論一卷莊鉉

春秋分記九十卷程公說

春秋比事二十卷沈棻

春秋百論一卷石朝英

左氏發揮六卷吳曾

左氏說十卷李孟傳

春秋學十卷李燾

春秋類論四十卷趙震撰

讀春秋編三卷陳深

三傳經字異同一卷丁副

春秋得法志例論三十卷徐德操

春秋五論一卷呂大圭

春秋備忘十卷敬鉉

春秋啓鑰龍虎正印五卷彭飛

春秋屬辭十卷趙訪

春秋師說一卷趙汴

春秋明經二卷劉基

春秋說一卷張邦奇

春秋億六卷徐學謨

春秋論一卷唐順之

春秋左傳類解三十卷劉績

右論說

春秋集解序一卷劉寔

春秋序注一卷賀道養

春秋序注一卷田元休

春秋公羊序解一卷鮮于公

右序解

春秋釋例十卷穎容

春秋左氏傳條例二十卷劉歆

春秋書法鈎玄四卷石光霽

春秋本末三十卷孔克表

春秋說志五卷呂枏

春秋繁露節解十卷吳鵬舉

春秋論一卷席書

春秋序論二卷千寶

春秋序注一卷崔靈恩

春秋左傳杜預序解一卷劉炫

春秋左傳序注一卷陰道洪

左傳條例九卷鄭衆

春秋公羊諡例一卷何休

春秋公羊條例一卷何休

春秋釋例十五卷杜預

春秋經例十一卷方範

春秋左氏條例十卷崔靈恩

春秋經傳說例疑隱一卷吳略

春秋纂例十卷陸淳

春秋序例一卷家鉉翁

春秋總例十二卷周希聖

春秋演聖統例二十卷丁副

春秋通例一卷胡安國

春秋公羊新例十四卷陳德甯

春秋本例二十卷崔子方

春秋指要總例二卷石林

右類例

春秋牒例章句九卷鄭衆

春秋條例十一卷劉寔

春秋左傳例苑十九卷梁簡文帝

春秋穀梁傳例一卷范甯

春秋三傳總例二十卷韋表微

公穀總例十卷成玄

春秋通例三卷陸希聲

春秋統例二十卷朱臨

春秋說例十一卷朱瑗

春秋經解義例二十卷趙瞻

春秋穀梁新例六卷陳德甯

春秋類例十二卷石公瑾

春秋圖七卷殿彭祖

春秋左氏圖十卷梁簡文帝

春秋指掌圖二卷張傑

春秋證族圖五卷陳岳

春秋指掌圖一卷黃恭密

春秋興亡圖鑑一卷沈茲仁

春秋列國圖一卷劉英

春秋圖鑑五卷洪勳

右圖

春秋左氏分野一卷鄭玄

春秋小公子譜六卷杜預

春秋公子譜一卷楊蘊

春秋土地名三卷裴秀

春秋十二國年歷一卷塞遵品

春秋盟會地圖一卷殿彭祖

春秋圖五卷張傑

春秋龜鑑圖一卷張暄

春秋指掌圖十五卷李瑾

春秋明例隱括圖一卷王哲

春秋名號歸一圖二卷馮先

春秋世次圖四卷鄭壽

春秋十二公譜一卷鄭玄

春秋釋例地名譜一卷杜預

春秋年表一卷楊蘊

春秋左氏諸大夫世族譜十三卷顧期啓

春秋人表一卷韓璜

春秋四譜一卷鄧世名

春秋列國王伯世紀三卷李琪

春秋列國臣子表十卷環中

左氏譜學一卷黎良能

春秋人譜一卷孫子明

春秋諸臣傳三十卷鄭昂

右譜

春秋五辯一卷沈宏

春秋經辯十卷蕭楚

春秋三傳辯疑二十卷程端學

春秋左氏辯失一卷王休

春秋穀梁辯失一卷王休

春秋考三十卷葉夢得

左氏釋疑一卷裴安時

辨論譜說一卷鄧世名

春秋二十國年表一卷環中

春秋地名譜十卷鄭樵

春秋名字異同錄五卷馮繼先

春秋列國諸臣傳贊五十卷王當

春秋列傳五卷劉節

春秋辯疑六卷陸淳

春秋穀梁考異五卷楊士助

春秋三傳會考三十六卷王應麟

春秋公羊辯失一卷王休

春秋孫復傳辯失一卷王休

左氏釋疑一卷黎良能

春秋正誤一卷毛居正

春秋明辯十一卷任公輔

春秋考異四卷吳會

春秋經傳辯疑一卷童品

春秋傳疑一卷余本

右考正

春秋左氏音一卷服虔

春秋左傳音三卷嵇康

春秋左傳音三卷徐邈

春秋左傳音四卷荀訥

春秋左傳音三卷王元規

春秋左氏音義六卷陸德明

春秋穀梁音一卷陸德明

春秋傳類音十卷張昌德

春秋直音三卷方淑

春秋考異十三卷李心傳

春秋胡傳辯疑二卷陸燾

春秋志疑三十卷胡志雷

左鑄一卷邵寶

春秋左傳音三卷杜預

春秋左傳音三卷李軌

春秋穀梁音一卷徐邈

春秋公羊音一卷汪淳

春秋左傳音三卷徐文遠

春秋公羊音一卷陸德明

春秋公羊音二卷王儉

春秋左傳口音三卷韓台

春秋本音二十卷洪興祖

左傳音三卷

曹耽

右音

春秋緯三十卷

宋均

春秋災異錄八卷

陳岳

春秋祕事十一卷

通志略

右識緯

春秋外傳國語二十卷

左丘明

春秋外傳國語五十四篇

劉向

春秋外傳國語章句二十二卷

王肅

春秋外傳國語注解二十卷

孔晁

非國語二卷

柳宗元

國語補音三卷

宋庠

國語音義一卷

魯有開

右外傳

春秋災異十五卷

郝萌

春秋內事四卷

通志略

春秋包命二卷

通志略

春秋外傳國語注解二十卷

賈逵

春秋外傳國語注解二十一卷

虞翻

春秋外傳國語注解二十二卷

韋昭

春秋外傳國語注解二十一卷

唐固

是國語七卷

葉真

左氏國語類編二卷

呂祖謙門人

辯國語三卷

林概

授經圖禮卷第一義例

高堂生舊圖不載。余錄之。且爲一編之首。以見古禮多出自高堂生也。

舊圖謂徐生授蕭奮五傳至戴聖。按註疏。徐生以容爲禮。自有傳。不在蕭奮之派。今圖從註疏。


按註疏。鄭康成云。高堂生所傳十七篇。卽儀禮也。故後儒以儀禮禮記合爲一書。今圖不更列儀禮。

註疏序云。鄭衆、賈逵皆從杜子春受周官。舊圖以鄭興、賈徽受子春。非是。今從註疏。更置二子別派。


鄭玄通三禮。今註疏皆用其說。舊圖從戴聖之派。及考本傳。鄭從馬融受周官。今從本傳改置。


世或謂杜子春、緱氏人。及閱鄭樵通志。謂劉歆傳周禮於子春及緱氏。禮又有緱氏要抄四卷。以此觀子

春非緱氏人。韻會亦兩釋緱氏曰地曰氏。如孝子傳。陳留緱氏女是也。今圖姑仍其舊。以俟博雅者考焉。



授經圖禮卷第二圖表





授經圖禮卷第二諸儒傳略

高堂生魯人。或曰字伯。漢初爲博士。傳禮十七篇。至武帝時。河間獻王得古禮五十六篇。獻之朝。後又得孔子壁中古文禮五十六篇。其十七篇與高堂生所傳同。而字多異。其十七篇外。則皆逸禮也。儒林傳云。漢興。傳禮者十三家。惟高堂生五傳得戴德、戴聖。而禮大明。今行於世。小戴記者是也。

孟卿東海人。事蕭奮。以授后蒼。魯閭丘卿。蒼授戴德、戴聖、慶普。及沛聞人通漢子方。子方以太子舍人論石渠。至中山中尉。

后蒼字近君。東海郟人。事夏侯昌。又事孟卿。以禮爲博士。在曲臺校書。因說禮數萬言。號曰后氏曲臺記。漢藝文志又載曲臺后蒼九篇。或卽此。明興考求古禮。以后蒼爲禮之宗。詔令從祀闕里。

戴德字延君。戴聖字次君。俱梁人。事博士后蒼。漢初得先儒所記禮書凡二百四篇。德刪之爲八十五篇。號大戴禮。聖又刪德之書爲四十九篇。號小戴禮。今立之學官者是也。宣帝時。德爲信都太傅。聖以博士論石渠。至九江太守。大戴授琅邪徐良。旂卿爲博士。家世傳業。小戴授梁人橋仁、季卿、楊榮子孫。仁爲大鴻臚。榮、琅邪太守。繇是大戴有徐氏。小戴有橋楊之學。

慶普字孝公。沛人。事后蒼。爲東平太傅。授魯夏侯敬伯。又授族子咸。咸爲豫章太守。繇是禮有慶氏之學。徐生魯人。善爲容。漢文時。徐生以容爲禮官大夫。傅子至孫延。襄資性善爲容。不能通經。延頗能。未善。

也。襄亦以容爲大夫。至廣陵內史。延及徐氏弟子。公戶滿意。桓生。單次。皆爲禮官大夫。諸言禮爲容者。繇徐氏。

曹充。魯國薛人。持慶氏禮。建武中。爲博士。顯宗卽位。充上言。五帝不相沿樂。三王不相襲禮。大漢自當制禮。以示百世。帝問禮樂云何。充對曰。河圖括地象曰。有漢世禮樂。文雅出。尙書璇璣曰。有帝漢出。德洽。作樂名予。帝善之。下詔曰。今且改太樂官曰太子樂。詩曲操。以俟君子。拜充侍中。作章句。辯若干卷。子褒。褒字叔通。少篤志。有大度。結髮傳父業。博雅疎通。常憾朝廷制度未備。晝夜研精。沈吟專思。寢則懷抱筆札。行則誦習文書。當其念至。忘所之適。初舉孝廉。再遷圉令。以禮理人。以德化俗。坐釋盜免歸。復徵拜博士。會肅宗欲制定禮樂。褒兩上疏。帝忻納。以班固所上。叔孫通漢儀十二篇。勅褒以禮條正。褒次序百五十篇。爲新禮。會帝崩。未及行。褒亦出爲河內太守。有治績。復爲侍中。褒博物識古。爲儒者宗。作通義十二篇。演經雜論百二十篇。又傳禮記四十九篇。教授諸生千餘人。慶氏學遂行於世。

董鈞。字文伯。犍爲資中人。習慶氏禮。事大鴻臚王臨。元始中。舉明經。遷廩犧令。病去官。建武中。舉孝廉。辟司徒府。鈞博通古今。數言政事。永平中。爲博士。時草創五郊祭祀。及宗廟禮樂。威儀章服。輒令鈞參議。多見從用。當世號爲通儒。年七十餘。卒於家。

劉歆。字子駿。爲黃門郎。河平中。受詔與父向領校祕書。講六藝傳記。諸子方技。無所不究。向死。歆復爲中壘校尉。哀帝使歆卒父業。周禮始得列序。著於錄略。然亡其冬官一篇。以考工記足之。時衆儒並出。共排

以爲非是。唯歆獨識。其年尙幼。務在廣覽博觀。又銳精於春秋。末年。乃知其周公致太平之迹。具在於斯。遭天下倉卒。兵革並起。疾疫喪荒。徒有里人。緱氏杜子春。能通其讀。頗識其說。語在子春傳。

杜子春。緱氏人。永平初。年且九十。家於南山。通周官。教授鄉里。初。周官行於世。始皇見其書。深惡之。禁絕不傳。至武帝時。除挾書之律。開獻書之路。於是周禮出於山巖屋壁。復入祕府。五家之儒。莫得見焉。至成帝時。通人劉歆。表而出之。其後馬融。鄭玄。各爲訓詁。其學始傳。

鄭衆。字仲子。蓮勺令興之子。年十二。從父受左氏春秋。精力於學。兼通易。詩。知名於世。聞緱氏杜子春。能讀周禮。與賈逵。往受業焉。二子洪雅博聞。又以經書傳記。轉相證明。爲解。逵解行於世。衆解不行。兼攬二家。爲備。然衆所解說。近得其實。獨以書序言。成王旣黜殷命。還歸在豐。作周官。則此周官也。失之矣。永平初。衆辟司空府。以明經給事中。持節使匈奴。不爲屈。單于大怒。圍守閉之。不與水火。欲協服。衆拔刀自誓。單于懼而止。及還。累遷爲武都守。郡小少事。乃述平生之意。著易。尙書。詩。禮。皆訖。惟念前業未畢者。惟周官。年六十六。目昏意倦。自力補之。謂周官傳也。子安世。亦傳家業。爲長樂未央。廢令。延光中。安帝廢太子。爲濟陰王。安世與太常桓焉。太僕來歷等。共正議諫爭。及順帝立。安世已卒。追賜錢帛。除子亮爲郎。賈逵。字景伯。扶風平陵人。父徽。善古文尙書。左氏國語。毛詩。逵悉傳父業。是時。杜子春明周禮。又與鄭衆同受之。語在衆傳。逵。顯宗時。拜爲郎。與班固。並校祕書。肅宗立。召逵入講。帝善之。以逵爲左中郎將。復爲侍中。兼領祕書近署。甚見信用。所著經傳義詁及論難百餘萬言。學者宗之。

摯恂字季直京兆長安人隱於南山明三禮兼綜百家之言其弟子馬融桓麟等自遠方至者十餘人既通古今而性復溫敏不恥下問學者宗之永和中博求名儒公卿薦恂行侔曾閔學擬仲舒繇是公車徵不詣大將軍竇憲舉賢良亦不就清名懸於當世以壽終

馬融字季長扶風茂陵人爲人美詞貌有俊才初京兆摯恂以儒術教授融從其游永初四年召拜校書郎中滯於東觀十年不得調因自劾歸安帝時召還郎署復在講部出爲河閒王廩長史陽嘉二年徵詣公車對策拜議郎三遷爲南郡太守以忤梁冀旨免官赦還復拜議郎重在東觀著述以病去融才高博洽爲世通儒教養諸生常有千數涿郡盧植北海鄭玄皆其徒也年八十八卒於家所註詩易三禮尙書各若干卷

鄭玄字康成北海高密人尙書僕射崇八世孫也師事京兆第五元通京氏易又從東郡張恭祖受周官禮記左氏春秋韓詩古文尙書以山東無足問者乃西入關因涿郡盧植事扶風馬融融門徒四百餘人升堂進者五十餘生玄在門下三年不得見乃使高業弟子傳授於玄會融集諸生考論圖緯聞玄善算乃召見於樓上玄因從質諸疑義問畢辭歸融喟然謂門人曰鄭生今去吾道東矣玄旣歸家貧客耕東萊學徒相隨已數百千人及黨事起乃被禁錮隱脩經業杜門不出黨禁解大將軍何進聞而辟之設几杖禮待甚優玄不受朝服以幅巾見一宿逃去又舉趙相不至會黃巾寇青部道遇玄皆拜相約不敢入縣境其爲強暴所服若此年七十四卒所註禮記六十三卷周禮四十二卷儀禮十七卷自郡守以下受

業者千餘人。門生相與撰玄答諸弟子五經依論語作鄭志八篇。其門人山陽郗慮。至御史大夫。東萊王基。清河崔琰。河內趙商。著名於世。又樂安國淵。任嘏。時並童幼。玄稱淵爲國器。嘏有道德。其餘亦多墜拔。皆如其言。

盧植字子幹。涿郡涿人。建寧中徵爲博士。復拜九江太守。以疾去。時立太學石經。以正五經文字。植乃上書曰。臣少從故南郡馬融受古學。頗知今之禮記。特多回冗。臣以周禮諸經發起。批謬。敢率愚淺爲之解詁。而家乏無力。供繕寫上。願得將能書生二人。共詣東觀。就官財糧。專心研精。合尙書章句。考禮記得失。庶裁定聖典。刊正碑文。古文科斗。近於爲實。而中興以來。通儒達士。班固。賈逵。鄭興父子。並敦悅之。今毛詩。左氏。周禮。各有傳記。其與春秋共相表裏。宜置博士。爲立學官。以助後來。宣廣聖意。會南夷叛。以植嘗在九江。有恩信。拜廬江太守。植深達政宜。務存清靜。弘大體而已。歲餘。復徵拜議郎。與馬日磾。蔡邕。楊彪。韓說等並在東觀。校中書五經。補續漢紀。帝以非急務。轉侍中。拜尙書。忤董卓。免官。隱於上谷。不交人事。初平三年卒。子毓。知名。

國淵字子尼。樂安蓋人。師事鄭玄。後與郗原。管寧。避地遼東。旣還舊土。司空辟爲掾屬。每於公朝論議。常直言正色。退無私焉。建安中。欲廣治屯田。使淵典其事。淵屢陳損益。相土處民。計民置吏。明功課之法。五年中。倉廩豐實。百姓競勸樂業。遷魏郡太守。入爲太僕。居列卿位。布衣蔬食。祿賜散之。舊故宗族。以恭儉自守。卒官。

崔琰字季珪清河東武城人少訥好擊劍尙武事年二十就鄭玄受學學未期徐州黃巾賊攻破北海玄與門人到不其山避難時穀糴縣乏玄罷謝諸生琰旣受遣而寇盜充斥西道不通於是周旋青徐兗豫之間以琴書自娛大將軍袁紹聞而辟之以爲騎都尉時紹治兵黎陽次於延津琰諫曰天子在許民望助順不如守境述職以寧區宇紹不聽遂敗於官渡及紹卒二子交爭欲得琰琰稱疾固辭由是獲罪幽於囹圄賴陰夔陳琳營救得免曹操破袁氏領冀州牧辟琰爲別駕及操爲丞相琰爲東西曹掾屬遷中尉後坐與楊訓書操令自裁

王基字伯輿東萊曲城人少孤與叔父翁居翁撫養甚篤基亦以孝稱年十七郡召爲吏非其好也遂去入琅邪游學黃初中察孝廉除郎中擢爲中書侍郎明帝盛脩宮室百姓勞瘁基上疏諫止散騎常侍王肅著諸經傳解及論定朝儀改易基師鄭玄舊說而基據持玄義常與抗衡累遷鎮南將軍都督豫州諸軍事封安樂卿侯基疏求分戶二百賜叔父子喬以報拊育之德有詔特聽及淮南定進封東武侯累加食邑千七百戶薨贈司空諡景侯

授經圖禮卷第四諸儒著述附歷代三禮傳注

一字石經儀禮九卷

今字石經儀禮四卷

秦本石經儀禮十七卷

秦本石經禮記二十卷

秦本石經周禮十卷

蜀本石經禮記二十卷

蜀本石經周禮十二卷

右石經

儀禮傳十七篇高堂生

周官禮傳十二卷馬融

周官經傳六篇劉歆

儀禮傳八十卷張冲

禮記傳十六卷呂大臨

周禮傳十二卷胡銓

禮記傳十八卷胡銓

二禮經傳五十三卷湛若水

右傳

禮記章句八卷張孚敬

右章句

儀禮注十七卷 鄭玄

儀禮注一卷 孔倫

儀禮注一卷 蔡超 宗

儀禮注二卷 田僧 紹

儀禮經傳通解二十三卷 朱熹

禮記纂十三卷 戴德

禮記注二十卷 盧植

禮記注三十卷 孫炎

禮記略解十卷 庚蔚 之

禮記解十六卷 呂大 臨

禮記解四十卷 陸佃

周禮注十二卷 王肅

周官禮注十二卷 伊說

三禮考注六十四卷 吳澄

儀禮注十七卷 王肅

儀禮注二卷 袁準

儀禮注一卷 陳銓

儀禮注三十二卷 陳祥 道

續儀禮經傳通解二十九卷 黃幹

禮記纂二十卷 戴聖

禮記注二十卷 鄭玄

禮記注三十卷 王肅

禮記注十二卷 葉遵

禮記解七十卷 馬希 孟

周禮注十二卷 鄭玄

周官禮注十二卷 干寶

周禮句解十二卷 朱申

右注

儀禮集釋十七卷

李如圭

儀禮集說十七卷

敖繼公

禮記詳解十卷

陳櫟

禮記集說十六卷

陳澧

禮記集傳十六卷

連伯聰

周官禮集注二十卷

崔靈恩

周禮詳解四十卷

王昭禹

周禮集注七卷

何喬新

右集注

儀禮義疏三十卷

沈重

儀禮疏五十卷

賈公彥

儀禮逸經一卷

吳澄

禮記寧朔新書二十卷

司馬仙

儀禮詳解十七卷

周燾

禮記集說一百六十卷

衛湜

禮記詳解十卷

朱周翰

禮記纂言三十六卷

吳澄

禮記大全三十卷

胡廣

周禮集說十三卷

陳友仁

周禮集傳十三卷

毛龍應

三禮集解十二卷

李輔

儀禮正義五十卷

孔穎達

儀禮要義五十卷

魏了翁

禮義二十卷

戴聖

禮記義證四卷

鄭小同

禮記大義十卷 梁武帝

禮記新義疏二十卷 賀瑒

禮記義十卷 何休

禮記義證十卷 劉芳

禮記講疏四十八卷 皇侃

禮記正義七十卷 孔穎達

禮記疏五十卷 賈公彥

禮記說四卷 韓性

禮記解義二十卷 方愷

禮記要義三十三卷 魏了翁

周禮要抄六卷 緝氏

周禮疏十二卷 賈公彥

周禮講義二卷 鄭宗顏

周禮全書六卷 丘葵

禮記文外大義三卷 陳暉

禮記義疏四十卷 熊安生

禮記義疏四十卷 沈重

禮記講義九十九卷 皇侃

次禮記二十卷 魏徵

禮記正義十卷 王方慶

禮記要義三十卷 唐諸儒

禮記精義十六卷 李格

禮記解義十六卷 陳賜

周禮寧朔新書二十卷 司馬仙

周官禮義疏四十卷 沈重

周禮正義五十卷 孔穎達

周禮關言十二卷 黃君俞

周禮解義二十二卷 王安石

周禮秋官講義一卷王與山

周禮考工記四卷林希逸

周禮講義四十九卷林之奇

周禮解義二十二卷鄭諤

周禮中義十卷劉彝

周禮定本十三卷舒芬

三禮宗義三十卷崔靈恩

三禮通義五卷魯有開

右義疏

大戴禮十三卷戴德

曲臺記九篇后蒼

禮論要抄一百卷賀瑒

禮論帖三卷任預

禮論抄二十卷庾蔚之

周官講義十四卷史浩

周禮井田譜二十卷夏侯

周禮要義三十卷魏了翁

周禮總義三十六卷易祓

周禮復古編三卷俞樾

周禮全經十三卷何尙遷

三禮名義五卷歐陽丙

二禮講義一卷胡銓

石渠禮論四卷戴聖

雜禮義十一卷吳商

禮論條牒十卷任預

禮議一卷傅隆

禮雜抄略二卷荀萬秋

禮論三百卷何承天

禮論要帖十卷王儉

禮志十卷丁公著

古禮外傳十卷成伯璵

禮粹二十卷張類

類禮義疏五十卷元冲行

曲禮講義二卷上官均

曲禮口義二卷戴溪

少儀外傳二卷呂謙祖

深衣制度一卷王普

周禮說一卷陳良傳

周禮綱目八卷林椅

述禮新說四卷陸佃

直禮論一卷何洵

續何承天禮論一百五十卷孔子

禮統十二卷賀述

禮略十卷杜肅

類禮二十卷陸質

禮論六十卷李敬玄

周官致太平十卷李泰伯

大戴禮踐阼篇集解一卷王應麟

學記口義二卷戴溪

夏小正解一卷傅山松

周禮說五卷黃度

周禮微言十卷徐行

周禮摭說二十三卷林椅

禮書一百五十卷陳祥道

禮義一卷何隆

中禮八卷王愨

禮經會元四卷葉時

禮經補遺九卷汪克寬

右論說

答問雜儀二卷杜預

周官禮異同評十二卷陳劭

禮論答問十三卷徐廣

禮疑義五十三卷周捨

周官論評十二卷傅玄

禮雜問十卷范甯

禮答問十卷何佟之

雜禮義問答四卷戚壽

周禮義決三卷王玄度

周禮或問五卷毛應龍

禮象十卷陸佃

直禮一卷李洪澤

夏小正解一卷王延相

周官駁難五卷虞喜

禮記評十卷劉雋

禮問答六卷庾蔚之

禮答問三卷王儉

禮論答問九卷范甯

禮雜問答抄一卷何佟之

問禮俗十卷董助

禮記繩愆三十卷王玄感

周官禮駁難四卷孫略

周禮辯略十八卷徐煥

儀禮識誤一卷

張淳

周禮辯疑一卷

楊時

禮記正誤一卷

毛居正

三禮辯二十六卷

李心傳

右問難

中庸講疏一卷

梁武帝

中庸傳一卷

胡瑗

中庸解義一卷

程顥

中庸義一卷

喬執中

中庸說一卷

郭志孝

中庸解義一卷

楊時

中庸定本一卷

朱熹

中庸輯略二卷

朱熹

中庸集傳一卷

錢文子

深衣考正一卷

馮公

周禮訂義八十卷

王之與

周禮折衷二卷

魏了翁

深衣考一卷

王延相

中庸傳二卷

戴顥

中庸義一卷

盛喬

中庸解義一卷

呂大臨

中庸解義五卷

游酢

中庸說一卷

郭雍

中庸章句一卷

朱熹

中庸或問二卷

朱熹

中庸說一卷

張九成

中庸集義一卷

倪思

中庸集解二卷石塾

中庸大傳一卷晁公武

中庸詳說二卷袁甫

中庸大學講義三卷謝興甫

中庸說六卷張無垢

中庸凡一卷崔銑

右中庸

大學改本一卷程頤

大學定本一卷朱熹

大學或問二卷朱熹

大學衍義四十三卷真德秀

大學解一卷喻樛

大學說一卷張無垢

古大學義一卷道林

中庸說一卷項安世

中庸纂疏三卷趙順孫

中庸說十三卷陳堯道

六家中庸大學解一卷司馬光

中庸大學廣義二卷司馬光

中庸傳一卷張邦治

大學改本一卷程頤

大學章句一卷朱熹

大學說十一卷陳堯道

大學說一卷張九成

大學解義一卷呂臨

大學通旨一卷蔣質文

大學本旨一卷黎立武

大學要旨一卷許衡

大學古本一卷王守仁

大學全文通釋一卷崔銑

右大學

禮記月令注一卷鄭玄

月令章句十二卷戴顒

月令訓解十二卷高誘

千金月令三卷孫思邈

月令圖一卷王涯

右月令

喪服經傳一卷馬融

喪服要記一卷蔣琬

喪服要記二卷王肅

喪服要記二卷劉逵

大學纂釋一卷程復心

大學指歸一卷魏校

大學愚見一卷孟淮

月令章句十二卷蔡邕

月令解十二卷張慮

四民月令一卷崔寔

乘輿月令十二卷裴澄

喪服經傳一卷鄭玄

喪服經傳一卷王肅

喪服經傳一卷袁準

喪服經傳一卷陳銓

喪服要記十卷賀循

喪服要集二卷杜預

喪服變除一卷葛洪

集注喪服經傳一卷裴松之

喪服要問二卷張燿

喪服答要難一卷袁析

喪服古今集記三卷王儉

喪服行世要記十卷王逸

喪服義疏二卷賀瑒

喪服經義五卷沈重

喪服發題二卷沈文阿

喪服傳一卷裴子野

喪服問答目十三卷皇侃

喪服正要二卷孟詵

喪服儀一卷璣

喪服要略一卷張濟

集注喪服經傳一卷孔倫

喪服問難六卷崔凱

喪服要記五卷庾蔚之

集注喪服經傳二卷田僧紹

集注喪服經傳二卷蔡超宗

略注喪服經傳一卷雷次宗

喪服經傳義疏一卷何佟之

喪服經傳義疏四卷沈文阿

喪服義十卷謝暉

喪服文句義疏十卷皇侃

喪服要問六卷劉德明

喪服極議一卷殷价

喪服問疑一卷樊深

喪服變除一卷戴至德

喪服譜一卷鄭玄

喪服譜一卷賀循

喪服圖一卷賀游

喪服圖一卷崔游

五服圖十五卷仲子陵

右喪服

檀弓批點一卷謝枋得

右檀弓

三禮圖九卷鄭玄

服飾圖三卷李德裕

三禮圖注二十卷孫崇義

周禮圖十卷張原

喪服制一卷龐景昭

喪服抄三卷王隆伯

喪服譜一卷蔡謨

喪服圖一卷王儉

喪服圖一卷崔逸

喪服天子諸侯圖一卷謝慈

五服圖一卷張薦

檀弓叢訓二卷楊慎

三禮圖十二卷夏侯侯

三禮圖九卷張鎰

儀禮圖一卷朱熹

儀禮圖解三十四卷楊復

禮記圖說一卷衛

周禮開方圖說一卷鄭景天

周禮纂圖一卷陳祥道

王制井田圖一卷徐希文

三禮圖二卷劉

右圖

儀禮音二卷鄭玄

儀禮音二卷王肅

禮記音三卷徐邈

禮記音一卷繆炳

儀禮音二卷劉昌宗

禮記音一卷孫毓

周禮音三卷劉昌宗

周禮音二卷沈重

周禮圖一卷俞言

周禮丘乘圖說一卷項安世

王制井田圖一卷阮逸

讀禮疑圖六卷季本

周官音三卷鄭玄

禮記音三卷曹耽

禮記音二卷尸毅

禮記音二卷李軌

禮記音隱義二卷謝慈

禮記音二卷劉昌宗

禮記音二卷沈重

儀禮音二卷沈重

禮記音五卷謝貞

禮記音二卷王元規

禮記釋文一卷陸德明

禮記音訓指說二十卷楊達殷

右音

禮緯注三卷鄭玄

五禮緯書二十卷章

右緯

諸經解附

五經通義九卷劉向

五經要義五卷劉向

五經異義十卷許慎

五經鈞沈十卷楊方

五經咨疑八卷楊鳳

禮記音二卷徐爰

周禮釋文一卷陸德明

周官音訓三鄭同異辯二卷王曉

禮記默房注二卷宋均

禮緯含文嘉三卷

五經雜義七卷劉向

五經異義十卷鄭玄

五經然否論五卷周謙

五經大義三卷戴逵

五經大義十卷樊文深

五經異同評一卷賀瑒

五經大義五卷何安

五經正名十二卷劉炫

五經宗略三十三卷元明延

五經要略二卷顏真卿

五經對訣四卷趙英

五經指歸五卷僧十朋

五經文字三卷張參

五經傳授一卷李燾

六經外傳三十七卷劉昫

六經刊誤二卷李涪

六經講義一卷黃幹

六經圖說十二卷俞言

六經確論十卷張綱

五經大義十二卷沈文阿

五經通義八卷劉炫

五經析疑二十八卷邯鄲綽

五經雅義六卷孫暢之

五經微旨十四卷張鎰

五經要旨十卷齊唐

五經釋題雜問一卷章崇業

五經通略二卷黃俊

六經通數十卷鮑泉

六經說五卷劉餗

六經圖七卷葉仲堪

六經圖六卷楊甲

六經辨疑五卷張綱

六經天文編六卷王應麟

六經圖五卷趙元輔

六經圖辨十卷鄭樵

三經辯學七卷王居正

七經義網略三十卷樊文深

七經質疑五卷樊文深

七經中義一百七十卷劉彝

九經餘義一百卷黃敏求

九經演義十卷蘇鄂

九經字樣一卷唐元度

九經正譌一卷許奕

十一經問對五卷何吳孫

諸經講義七卷李舜臣

諸經正典十卷許奕

羣經音辯七卷賈昌朝

六經輿論六卷鄭樵

三經義辯十卷楊時

三經演義十一卷劉元剛

七經論三卷樊文深

七經小傳五卷劉敞

九經師授譜一卷章表微

九經釋難五卷馬光極

九經要略一卷李陪

九經直音九卷許奕

九經疑難十卷張伯文

諸經解三十卷楊時

諸經說十卷項安世

諸經疑問一卷劉光祖

經典玄儒大義十卷沈文阿

授經圖跋

授經圖二十卷。乃家君所著。藏之笥中久矣。癸酉秋。美於講習之暇。請付諸梓。因序其大略云。粵考易自田何而下。其說大義略同。至京房爲異。書自孔安國傳者爲古文之學。伏生傳者爲今文之學。詩則有毛、韓、齊、魯、四家。春秋有左氏、公穀、三傳。三禮得二戴、劉歆、纂次。始大明於世。其相傳之詳。咸具圖傳中。蓋自秦燼之餘。六經殘滅。漢興。諸儒頗傳不絕之緒。於是專門之學甚盛。至東京。則授受鮮有次第。而經學亦稍稍衰矣。故是編所載。多詳於前漢。舊圖頗有譌誤闕略。家君俱爲正之補之。研精殫思。亦有年矣。其所錄經解。雖或未盡其書。而古今善言經者。思過半矣。

萬歷二年孟春十日。